

補陀藏

卷之八  
補陀藏

卷之八  
補陀藏









南無過去毗婆尸佛

南無尸棄佛

南無毗舍浮佛





南無拘留留孫佛

南無拘那含牟尼佛

南無迦葉佛





南無教主釋迦牟尼佛

南無西方阿彌陀佛

南無當來彌勒尊佛



古非



彌陀懺

奉政大夫翰林修撰同知制誥趙秉文撰

極樂居士王慶之集淨土因緣為懺文開闢居  
士稽首讀曰未曾有也昔有達官事一道人謹  
甚親友或勸之曰公聰明特達何至作此闕冗  
事公謝不敏勸者愈力公曰若芋果以余為聰  
明特達而復事彼是必有賢於我者矣弥陀淨  
土諸經稱讚者不一歷代名士歸依者甚衆可  
以無疑矣至於太白樂天東坡山谷皆知專嚮  
其亦可謂聰明特達者非耶宿植善根者不待



余言而了不然如小兒觀戲隨長者笑可也更  
或未然但觀此懺思過半矣乃敬而爲之讚曰

衆生見佛

祇是一心

佛度衆生

不離大願

心猶鏡然

交光涉入

願猶地然

有種即生

汝且觀此

諸大幻師

陽燄取日

方諸承月

本無去來

緣有彼此

當知淨土

亦復如是

又如二人

出門相背

一人適燕

一人適越

乃至終身

各不相值

苟爲相求

萬里咫尺



佛愛衆生 如母憶子 子若逃逝  
雖憶何爲 子若念母 決定見母  
我觀弥陀 作慈母想 觀音勢至  
爲佛長子 一切菩薩 是我眷屬  
無量法財 隨意充足 孰有智者  
甘受貧苦 捨極樂土 戀閻浮提  
發心還家 須知道路 極樂居士  
是汝導師 當知此懺 諸資糧具  
稽首十力 爲我證明 敬告佛子  
當作此觀



彌陀懺序

對 11

音 道

儒林卽應奉翰林文字同知制誥兼襲王  
府文學記室參軍武騎尉賜緋魚袋李純甫撰  
天地之中凡有血氣皆有闔心更相啖食其苦  
無量幸而爲人差似樂者僻在蠻夷亦相屠害  
與苦相應又幸而生於中國其樂頗勝試考於  
古史兵饑疫癘苦相居多又幸而老於治世誠  
可樂也其困窮微賤疲羸殘廢之屬猶有不勝  
其苦者至於大幸富足貴豪康強聰慧之徒其  
樂爲何如哉或嗜欲未滿其志或憂患遽及於



郭長年

身尚且不免悲思驚歎有自以爲苦者佛說衆  
生世界爲苦趣此真實語也故學佛者先修苦  
行經無數劫求寂滅樂未得少分然則何以疾  
度此苦厄徑至樂地耶佛大慈悲開方便門云  
此西方有無量壽佛國名極樂衆生起一念信  
心持彼佛名號即得往生同無量壽更無老病  
死者神通智慧與無數劫修行者等無有異故  
名極樂此又真實語也自佛教東行陰修密證  
者不可勝數但昧者不知耳近讀極樂居士結  
集西方淨土懺文法門乃學佛者之捷徑屬予



讚嘆故亦以真實語識之崇慶二年中春望日

序

冬 中宋嘉慶五年中五帝宗廟主金山宗慶二年

北

啓運彌陀道場懺法一心

歸命十方三世一切諸佛



禮念彌陀道場懺法卷第一

極樂居士王

子成

集并序

立此彌陀懺法者廣則恐其文繁略則慮其  
義闕如常禮念應赴只讀大字若推本末因  
緣須尋小注庶得廣略兩存自他俱益一帙  
十卷例皆倣此

原夫釋迦大覺出慈旨以叮嚀讚彼弥陀運悲  
心而廣博發四十八之誓願願願度生開一十  
六之觀門門門攝化救提溺者越苦海之迅航  
指導迷人出輪迴之捷徑高超三界迴出四流



十方接引諸群生九品護持如一子又聞古今  
善士緇素名人感應尤多往生非一方範圍頂  
宜追慧遠之高風儒履道冠可慕遺民之雅範  
啓芳懷玉壽終而化佛迎歸張抗吳瓊命盡而  
金僊引去善和具屠牛之業尚往玉池仲舉負  
害命之怨亦生金地慈光照處地獄爲之崩墮  
聖號持時天魔爲之悚懼不思議佛力無障礙  
神通一聲滅八十億劫罪懣一念獲八十億劫  
功德是以世尊觀彼方之緣會在此界之有情  
特開往生一門教入念佛三昧日修片時之少



善後爲萬劫之資糧現世則白業頓增惡緣漸  
息人敬而神祐禍去而福來梁氏女目盲而重  
明馮夫人身病而復差邵希文神遊而脫難劉  
惠仲夢魘而無驚此乃身前之效也臨終則免  
赴黃泉更無黑業緩則一月至于七日急則十  
聲至于一聲面靚白玉毫身乘紫金座閻王不  
敢召化佛自來迎直歸極樂之鄉永別幽冥之  
路范婆瞻聖像於戶外曇鑒得蓮花於餅中烏  
長王天樂盈空隋文后異香滿室此乃往生之  
徵也過世則名除鬼簿位列佛階丘冢現祥輝



骨骸爲舍利。拋閣浮之短景。居安養之長年。化  
生菡萏花中。託質芙蓉池內。勢至觀音。爲其勝  
友。馬鳴龍樹。結作法朋。雖名徃生。凡夫便是不  
退。佛子。前唐善導。垂語向五雲堂中。後魏曇鸞。  
現形於七寶舫內。此乃身後之驗也。壽盡臨終。  
之感應。傳廣聊陳。生前身後之禎祥。文繁畧載。  
凡夫心劣。用自力以難成。法藏願強。仗他威而  
易就。自他二利。悲智兩全。幸當末法之時。此教  
大弘之際。今則愚將管見。強發毫端。頗依梁武  
懺之規儀。粗闡彌陀教之功德。千佛備列。衆聖



全彰十方調御共力消殃三世如來同緣懺罪  
削阿臯之恐怖說淨土之莊嚴三塗路上教箇  
箇迴程九品池邊使人人進步流通十卷懺法  
度脫三世衆生經云梵語阿彌陀此云無量壽  
或云無量光梵語須摩提此云極樂國或云安  
樂刹若受持讀誦爲過去者救拔惡趣爲現在  
者增福消災爲未來者教修淨土廣於三界徧  
及四生或行十惡業見聞則霧散若犯五無間  
禮念則雲消引一切有情化生度無量衆生成  
佛蒙此懺力受彼佛恩西方淨土一訣往生無



上菩提兩手分付請威加護偈曰

集此弥陀禮念懺

欲於濁世救群生

同超三界出輪迴

盡令離苦生極樂

自思福薄智慧淺

凡愚學寡文荒疎

發揮淨土讚弥陀

捧土培山蠡酌海

懺法廣大才輕微

慚恐不契諸佛心

我今清淨身口意

焚香哀請道場中

仰告三世與十方

弥陀淨土諸三寶

惟願不捨大慈悲

神通法力冥加護

願賜觀音甘露辯

下筆盈軸如智覺



上契諸聖下契機

集成懺法度有情

衆生見聞喜信受

流通傳布遍十方

廣度一切衆生界

盡未來際恒無盡

若有十惡無間罪

遇此懺法滅無餘

現在皆具五功能

過去咸蒙八解脫

臨終悉願往西方

共覩弥陀成佛道

啓請三寶

今日道場幽顯大衆仰啓三身四智圓明十號  
之尊八藏五乘微妙一真之教悲增智增之菩  
薩有學無學之應真遍法界之龍天盡虛空之



賢聖伏冀不捨慈悲之願惟無照鑒之心今夜  
建淨土道場示群生歸向陳斯勝會露以丹誠  
蓋以瞿等稱甲後請略此三界受身循環豈離  
於六道一靈秉質漂流未出於四生人間八苦  
交煎天上五衰共惱不有大慈悲父孰開真解  
脫門欲修九品之真歸須懺多生之惡業而況  
圓明妙體本唯一心虛幻浮生妄爲衆罪罪唯  
妄起隨惡緣而乃成安以真除因善念而得滅  
幸望同業大衆各收異念攀緣盡出苦輪同生  
樂國今依釋迦遺教禮懺法門召請聖賢願安



感降<sub>三</sub>

南無一心奉請靈山不滅鶴樹常存千百億化

身釋迦牟尼佛

南無一心奉請光明普照壽命難思四十八願

阿彌陀佛

南無一心奉請一生梵率三會龍華當來下生

彌勒尊佛

南無一心奉請五峯聖主七祖佛師大聖文殊

師利菩薩

南無一心奉請如來長子法界願王大聖普賢



菩薩

南無一心奉請普門示現願力弘深大聖觀世

音菩薩

南無一心奉請念佛三昧攝化衆生大聖大勢

至菩薩

南無一心奉請菩提高廣大智深清淨大海

衆菩薩

南無一心奉請十方盡虛空界一切諸佛一拜

南無一心奉請十方盡虛空界一切尊法一拜

南無一心奉請十方盡虛空界一切賢聖一拜



又復一心奉請十方盡虛空界一切三寶無量  
賢聖一拜

今日道場幽顯大衆已請三寶虔澄丹誠披露  
積懋願求禮懺<sub>某甲</sub>等志心歸投西方淨土極樂  
世界阿彌陀佛

歸依西方三寶第一

決疑生信第二

引教比證第三

往生傳錄第四

極樂莊嚴第五

禮懺罪障第六

發菩提心第七

發願往生第八

求生行門第九

總爲禮佛第十



自慶茅十一

普皆回向茅十二

囑累流通茅十三

歸依西方三寶茅一

夫歸依西方三寶者我佛隨根授道應物現形廣演修多羅偏讚弥陀國因緣際會感應道交凡心專想於西方真身定降於瞻部其猶葉公畫龍而龍現子晉吹鳳而鳳來蓋凡聖以交通由志誠之冥會是以慈恩首稱十勝智者明辨十疑太白子瞻共說勸生之偈樂天子厚同述願往之文優曇花之一開不



知幾劫浮木孔之相值何啻千生獲利尤多  
用功極鮮是以六方共讚十刹同宣主勝願  
強緣深悲重欲知淨土求生路當入弥陀禮  
懺門

今日道場同業大眾各人人攝心諦聽今爲  
憐愍一切衆生無明覆心迷於淨土戀著三界  
不求往生六道輪迴漂流生死爲斯顛倒無信  
凡夫集諸經論教修往生西方淨土極樂世界  
度生道場禮懺法門良爲凡夫垢重貪愛昏迷  
造罪恣情不怖泥犁痛苦長劫平生放逸但嗜



奢華不知修進臨終苦逼方始歸依縱欲虔誠  
注心何地荒忙失志無法可憑甘入三塗可悲  
可憐無依無怙無趣無歸今乃遣愚昧者起信  
求生令智慧者決疑悟道所有我等無始至今  
不信歸依西方三寶不求厭離濁世五燒不了  
自心起惑造業或五逆十惡破齋犯戒具諸不  
善生死輪迴至於今日皆因從昔以來不覺不  
知不聞不見不親師友不逢經教不識因果妄  
起毀謗自作教他見作隨喜業障所使都無信  
受一切種種障難因緣阻徃生行斷成佛種墮



失聖胎漂沉惡趣未來生死無有盡期不得往生不得解脫皆因我等罪業牽纏愚迷顛倒不信阿彌陀佛不信往生淨土身口意業侮慢訶毀或時見聞心則輕笑見人禮念惡心毀謗破他善事不肯勸修惱亂行者讚歎邪師設爾信者進退猶豫無決定心身在道場心緣世務口談淨土意戀閻浮雖手掐念珠而心懷毒惡外境則違順繁興內心則愛憎迭起唯有虛言全無實行善未積於毫釐惡已成於山嶽不仗三歸難除五怖如是等罪無量無邊求哀禮懺願



乞除滅相與志心等一痛切五體投地歸依世  
間大慈悲父

志心歸命西方淨土極樂世界一切佛寶一拜

志心歸命西方淨土極樂世界一切法寶一拜

志心歸命西方淨土極樂世界一切僧寶一拜

西方諸三寶 我等與衆生

志心歸命禮 願生安樂國

又復歸依如是西方淨土極樂世界一切三寶

無量賢聖一拜

今日道場同業大衆重加志誠一心諦聽無量



壽經云彌勒菩薩白佛言世尊於此娑婆世界  
有幾不退菩薩生無量壽佛國佛告彌勒於此  
世界有六十七億不退菩薩往生彼國一一菩  
薩已曾供養諸佛次如彌勒者也諸小行菩薩  
及修習少功德者不可稱計皆當往生不但我  
刹諸菩薩往生十方世界無量佛國其往生者  
甚多無數像法決疑經說佛滅度後正法五百  
年持戒堅固像法一千年禪定堅固末法一萬  
年念佛堅固准法王本記釋迦碑文已有二千  
餘年入末法來數百餘載故知正是衆生念佛



堅固弥陀度生時緣已至如經所說此界衆生  
我等大衆根緣成熟機感相應遇斯懺法往生  
無量是知念佛福生禮懺罪滅求生淨土萬無  
遺一宜各諦信佛言厭離娑婆忻求極樂相與  
志心五體投地歸依世間大慈悲父  
歸依十方盡虛空界一切諸佛一拜  
歸依十方盡虛空界一切尊法一拜  
歸依十方盡虛空界一切賢聖一拜

願共諸衆生

往生安樂國

志心歸命禮

西方弥陀佛



又復歸依如是十方盡虛空界一切三寶無量

賢聖一拜

今日道場同業大眾無量壽經云娑婆世界共  
爭不急之事於此劇惡極苦之中勤身營務以  
自給活無尊無卑無貧無富少長男女共憂錢  
財有無同然憂思適芽併營愁苦思念積慮爲  
心走使無有安時心常念惡口常言惡身常行  
惡曾無一善不信先聖諸佛經法不信行道可  
得度世不信死後神明更生不信作善得善爲  
惡得惡心中閉塞意不開解大命將終悔懼交



至不預修善臨終方悔悔之於後將何及乎如是世人難可具盡故自然三塗無量苦惱展轉其中世世累劫無有出期難得解脫痛不可言是爲五大惡五痛五燒勤苦如是譬如大火焚燒人身汝今諸天人民及後世人得佛經語當孰思之能於其中端心正行齋戒清淨一日一夜勝在無量壽國爲善百歲所以者何彼佛國土無爲自然皆積衆善無毛髮之惡佛言我哀愍汝等諸天人民甚於父母念子今我於此世作佛降化五惡消除五痛絕滅五燒宜各人人



志誠遵奉相與志心五體投地歸依世間大慈  
悲父

歸依十方盡虛空界一切諸佛一拜

歸依十方盡虛空界一切尊法一拜

歸依十方盡虛空界一切賢聖一拜

願共諸衆生

往生安樂國

志心歸命禮

西方弥陀佛

又復歸依如是十方盡虛空界一切三寶無量

賢聖一拜

今日道場同業大衆前略明厭離娑婆五痛五



燒過患已竟次乃忻求極樂三歸三寶志誠諦  
聽陀羅尼雜集經云爾時世尊告諸比丘西方  
安樂世界今現有佛號阿彌陀若有四衆能正  
受持彼佛名號以此功德臨欲終時阿彌陀佛  
即與大衆往此人所令其得見見已尋生慶悅  
倍增功德以是因緣所生之處未離胞胎穢欲  
之形純處鮮妙寶蓮花中自然化生具大神通  
光明赫奕爾時恒沙諸佛皆共讚彼安樂世界  
下文偈略經廣例皆倣此

佛教於阿難

西方禮三寶



彼此遙見聞

無量壽經說

無量壽經云佛告阿難汝起更整衣服合掌  
恭敬禮無量壽佛十方國土諸佛如來常共稱  
揚讚歎彼佛無著無礙於是阿難起整衣服正  
身西向恭敬合掌五體投地禮無量壽佛白言  
世尊願見彼佛安樂國土及諸菩薩聲聞之衆  
說是語已即時無量壽佛放大光明普照一切  
諸佛世界等爾時阿難即見無量壽佛威德巍巍  
如須彌山王高出一切諸世界上相好光明  
靡不照耀此會四衆一時悉見彼見此土亦復



如是爾時佛告阿難及慈氏菩薩汝見彼國從地已上至淨居天其中所有微妙嚴淨自然之物爲悉見不阿難對曰唯然已見汝寧復聞無量壽佛大音宣布一切世界化衆生不阿難對曰唯然已聞彼國人民乘百千由旬七寶宮殿無所障礙遍至十方供養諸佛汝等復見不對曰已見云云出服字号

夫人韋提希

引導未來人

求生極樂國

十六觀經說

觀無量壽經云時韋提希見佛世尊自絕璎



諸舉身投地號泣向佛白言世尊唯願世尊爲  
我廣說無憂惱處我當往生不樂閻浮提濁惡  
世也此濁惡世地獄餓鬼畜生盈滿多不善聚  
願我未來不聞惡聲不見惡人今向世尊五體  
投地求哀懺悔惟願佛日教我觀於清淨業處  
爾時世尊放眉間光其光金色遍照十方無量  
世界還住佛頂化爲金臺如須彌山十方諸佛  
淨妙國土皆於中現或有國土七寶合成復有  
國土純是蓮花復有國土如自在天宮復有國  
土如玻瓈鏡十方國土皆於中現有如是等無



量諸佛國土嚴顯可觀今韋提希見時韋提希  
白佛言世尊是諸佛土雖復清淨皆有光明我  
今樂生極樂世界阿彌陀佛所唯願世尊教我  
思惟教我正受時無量壽佛住立空中觀音勢  
至侍立左右爾時韋提希見無量壽佛已接足  
作禮白佛言世尊我今因佛神力故得見無量  
壽佛及二菩薩及彼國土若佛滅後諸衆生等  
濁惡不善五苦所逼云何當見阿彌陀佛極樂  
世界佛言善哉快問此事阿難汝當受持廣爲  
多衆宣說佛語如來今者教韋提希及未來世



一切衆生觀於西方極樂世界以佛力故當得  
見彼清淨佛國如執明鏡自見面像見彼國土  
極妙樂事心歡喜故應時即得無生法忍佛告  
韋提希汝是凡夫心想羸劣未得天眼不能遠  
觀諸佛如來有異方便令汝得見佛告韋提希  
汝及衆生應當專心繫念一處想於西方云何  
作想凡作想者一切衆生自非生盲有目之徒  
皆見日沒當起想念正坐西向諦觀於日令心  
堅住專想不移見日欲沒狀如懸鼓既見日已  
閉目開目皆令明了是爲日想名曰初觀次作



水觀地觀樹觀乃至下品茅十六觀廣如經說  
爾時世尊說是語時韋提希與五百侍女聞佛  
所說應時即見極樂世界廣長之相得見佛身  
及二菩薩心生歡喜歎未曾有豁然大悟逮無  
生法忍五百侍女發菩提心願生彼國世尊悉  
記皆當往生行此三昧者現身得見無量壽佛  
及二大士但聞佛名二菩薩名除無量劫生死  
之罪何況憶念若念佛者當知此人是人中芬  
陀利花觀音勢至爲其勝友當坐道場生諸佛  
家

出豈字号



造惡中天人

念佛或供養

復增其壽命

決定王經說

大乘聖無量壽決定光明王如來經云佛告  
妙吉祥菩薩言今此閻浮提世界中人壽命百  
歲於中多有造諸惡業而復中天妙吉祥菩薩  
若有衆生得見此經功德殊勝及聞名号如其  
短命之人志心書寫受持讀誦供養禮拜如是  
之人復增壽命滿於百歲若能持念一百八遍  
如此短命衆生復增壽命或但聞其名号志心  
信受遵崇之者是人亦得增益壽命出刻字



恐怖縣官者

念二菩薩名

解脫恐怖厄

弥陀大經說

阿彌陀三耶三佛菩薩樓佛檀過度人道經云  
佛言世間人民善男子善女人若有急難恐怖  
縣官事者但自歸命是蓋樓亘菩薩摩訶那鉢  
菩薩所無不得解脫者出服字号

昔有四億衆

願生無欲國

同時見淨土

斷結經中說

十住斷結經云爾時世尊放覺華定意三昧  
光明有四億衆見此瑞色各生患厭心自思惟



夫生有死皆由因緣死此生彼牽連不斷染欲  
爲源斯由貪愛我等願生無欲國土乃得修此  
覺意三昧是時世尊知來會者心中所念而告  
之曰西方去此無數佛土有佛名無量壽其土  
清淨無婬怒癡恚同一心皆由蓮花中生不因  
父母情欲而生純是童男亦無女人無大小便  
以禪悅法樂爲食無想念識共相敬念如父如  
母欲生彼者可發誓願時四億衆即於座上同  
心發願求生彼土爾時世尊即於覺意三昧光  
明照彼國土如來世尊及化生菩薩其國廣博



衆寶雜廁無三惡道八難之苦見彼國已此四  
億人隨其形壽皆得同時生彼國土出能字号

衆生念弥陀

菩薩常衛護

鬼神不得便

往生經中說

禮懺儀十往生經云若有衆生念阿弥陀佛  
願往生者彼佛即遣二十五菩薩衛護行者若  
行若住若坐若卧若晝若夜一切時一切處不  
令惡鬼惡神得其便也出丁字号

有善相童女

厭濁禮西方

佛力化爲男

經律異相說



英代

經律異相云佛在舍衛國時有長者女名善  
信年始十五爲人慈孝智慧博達少小常有  
大願不樂世俗之事坐自思念萬物無常當歸  
於死年壽萬載亦皆當死天地當壞何況人  
身死後魂神當入惡道酷毒勤苦獨當受之  
本從何出忽有瞋恚恐怖愁憂或時歡喜有  
此無常之事不見來時去至何所是輩往來  
無休無息念我父母諸家兄弟中外親屬  
不知罪福貪欲無厭我年三五以許他男  
諸家兄弟飯食酒肉受取正帛令我身當  
往受患難物實縛結不可得



離當如之何爲此生老不如及我今日清淨當  
發上願求覓安隱長樂宮殿可以自娛不宜染  
濁沒於三塗不覩光明長與苦俱便正一心自  
誓持我身命自當有神有靈知我心誠爾時天  
神現於虛空語善信言若當自歸西方安隱清  
淨法國且當先向十方禮拜慈心敬意念必達  
也已便不現爾時善信踊躍歡喜便自澡浴燒  
香散花向十方禮叉手自思念一切人即有天  
神於虛空中言汝當正心向於西方說此一頌  
以是讚歎阿彌陀佛如神所勅爾時佛與大衆



坐道場厭離娑婆五痛五燒忻求極樂三歸三  
寶隨願往生西方淨土發願已歸命禮西方淨  
土一切三寶

禮念彌陀道場懺法卷第一

闍<sup>音</sup>塔<sup>音</sup>冗<sup>音</sup>晒<sup>音</sup>隴<sup>音</sup>思<sup>音</sup>過<sup>音</sup>赴<sup>音</sup>燧<sup>音</sup>適<sup>音</sup>適<sup>音</sup>苟<sup>音</sup>苟<sup>音</sup>薨<sup>音</sup>薨<sup>音</sup>倅<sup>音</sup>倅<sup>音</sup>  
擊<sup>音</sup>疫<sup>音</sup>癘<sup>音</sup>癘<sup>音</sup>不<sup>音</sup>勝<sup>音</sup>下<sup>音</sup>准<sup>音</sup>此<sup>音</sup>也<sup>音</sup>嗜<sup>音</sup>視<sup>音</sup>遽<sup>音</sup>遽<sup>音</sup>惡<sup>音</sup>惡<sup>音</sup>切<sup>音</sup>迅<sup>音</sup>  
信<sup>音</sup>航<sup>音</sup>航<sup>音</sup>即<sup>音</sup>緇<sup>音</sup>之<sup>音</sup>抗<sup>音</sup>航<sup>音</sup>墮<sup>音</sup>切<sup>音</sup>回<sup>音</sup>棟<sup>音</sup>息<sup>音</sup>拱<sup>音</sup>魔<sup>音</sup>魔<sup>音</sup>齒<sup>音</sup>齒<sup>音</sup>感<sup>音</sup>



切菑徒感舫音培音蠡音螺音宏切萌切營施智切侮武音  
慢猶豫上徐迭徒結劇奇逆切弈音唯然然上諾以水  
中也也天於壯非切下酷苦沃沃沃



禮念彌陀道場懺法卷第二

決疑生信第二

嗟夫衆生疑多學寡障重福輕如無開導之  
文豈解求生之法今則假施問答權設主賓  
爲決疑情令生諦信耳

今日道場同業大衆前歸依西方三寶已竟次  
乃決疑生信普爲衆生無始至今種種疑惑各  
各在心所以不肯求生淨土縱欲求生不知法  
門多修雜善人天有漏花報因果不出輪迴受  
其生死苦惱無量爲此四衆今於諸聖教中採



據衆生種種疑惑一一釋之稱讀疏云因則唯  
修一日七日果則永得阿鞞跋致如是境界駭  
人耳目若佛在日或正法中衆生福勝信智深  
厚聞佛一說諦信無疑奈以像末法中有情福  
劣信智淺薄聞如是法便生疑謗故釋迦世尊  
說此經時即有十方十莧伽沙諸佛如來現大  
神變發誠諦言證我世尊所說非謬仍自今有  
無信之人聞修西方淨土業者撥之爲邪謗法  
之德云何不怖凡是三寶弟子應須諦信佛語  
如爲臣者必信王言若爲子者必信父訓若其



不信豈得名爲忠臣孝子若四衆等以佛爲師  
不信佛語便非佛子乃是魔民如是之人深可  
怖畏而諸衆生所以不能深信經語有此疑者  
皆由無明惑故妄起顛倒因疑惑故墮三惡道  
悔何所及大衆當依佛語如教修行不得疑惑  
所有我等無始至今一切疑惑重罪業障若不  
懺除無由往生宜各人人如救頭然求哀禮懺  
速令清淨未作之罪不敢更作相與志心五體  
投地歸依世間大慈悲父

南無教主釋迦牟尼佛 南無世自在王佛



南無西方阿彌陀佛

南無十號伽河沙數俱

南無東方現在一切諸佛

南無不動佛

南無山幢佛

南無大山佛

南無山光佛

南無妙幢佛

如是等佛如苑伽河沙住在東方自佛淨土各

各示現廣長舌相遍覆三千大千世界周匝圍

遶說誠諦言汝等有情皆應信受如是稱讚不

可思議佛土功德一切諸佛攝受法門

南無文殊師利菩薩

南無普賢菩薩

南無觀世音菩薩

南無大勢至菩薩



南無清淨大海衆菩薩

又復歸依如是十方盡虛空界一切三寶無量

賢聖一拜

今日道場同業大衆宜加用心攝耳諦聽疑障  
消除身心解脫願離三塗求生九品過去生死  
劫石難量未來輪迴芥城何盡惟願三心勵志  
十念成功此方生緣既謝彼界妙境即現祥雲  
後捧淨侶前迎剎那頃即得往生僧祇劫常居  
安養今則決疑生信次茅開陳問曰稱讚疏云  
如何口念心思即得往生西方淨土答曰心則



緣佛境界憶持不忘口則稱佛名號分明不亂  
如是心口內外相應若念一句阿彌陀佛能滅  
八十億劫生死之罪成就八十億劫殊勝功德  
一句尚爾何況十句百句千句萬句如是一日  
一月一年一生行住坐卧晝夜精勤何罪垢而  
不消亡何功德而不增長何因不生極樂國何  
緣不見阿彌陀佛譬如嬰兒或有所怖發聲號呼  
喚其父母父母慈悲聞子喚聲諸事且置急來  
救護今時五濁惡世衆生常被生老病死三塗  
芽苦之所逼切既覺知己即生驚怖以真實心



高聲稱念彼佛名號以求救護阿彌陀佛有天眼通必定遠聞有天眼通必定遠見有他心通必定遠知佛之慈悲不同人間癡愛父母業視衆生猶如一子決定親來垂慈接引所以然者良以西方無量壽佛願力深重常以光明名號攝化衆生我等佛子今既與佛本願相應理必如是勿生疑慮若諸衆生以志誠心一念十念一日七日承佛願力皆得往生  
今日道場同業大衆當起勇猛心殷重心志誠心決定心不退轉心五體投地歸依世間大慈



悲父

南無教主釋迦牟尼佛

南無西方阿彌陀佛

南無當來變佛

南無勇施佛

南無清淨佛

南無清淨施佛

南無娑留那佛

南無水天佛

南無堅德佛

南無轉輪功德佛

南無無量壽佛

南無光德佛

南無無憂德佛

南無那羅延佛

南無功德華佛

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海眾菩薩



又復歸依如是十方盡虛空界一切三寶無量

賢聖一拜

問曰決疑集云但見性悟道便超生死何須繫  
念彼佛求生他方耶答曰通昧他心聖凡安測  
知非正遍授記應難真修行人當自審察如人  
飲水冷暖自知諸仁者當觀自己行解見性悟  
道受如來記紹祖師位能如馬鳴龍樹不得無  
礙辯才證法華三昧能如天台智者不宗說皆  
通行解兼備能如忠國師壽禪不此諸大士皆  
明垂言教深勸往生蓋是自利利他豈肯悞人



自悞况大雄讚歎金口叮嚀希從昔賢仰稟佛  
勅定不謬悞又當自忖量臨命終時生死去住  
定得自在不自無始來惡業重障定不現前不  
此一報身定脫輪迴不天上人間十方世界隨  
意寄託定無滯礙不若也了了自信得及何善  
如之若其未然莫以一時貢高却致永劫沉墜  
自失善利將復尤誰嗚呼哀哉何嗟及矣古德  
云有爲雖偽弃之則功行不成無爲雖真趣之  
則聖果難尅剎那悟道要須長劫煉磨頓悟一  
心必假圓修萬行誠哉是言也今則末世悠悠



之徒學寡疑多妄肆臆說自悞悞人所謂可憐  
愍者

今日道場同業大眾相與志心五體投地歸依  
世間大慈悲父

南無教主釋迦牟尼佛 南無西方阿彌陀佛

南無當來彌勒佛 南無蓮花光遊戲神通佛

南無財功德佛 南無德念佛

南無善名功德佛 南無紅燄幢王佛

南無遊步功德佛 南無寶花遊步佛

南無寶蓮花善住娑羅樹王佛 南無闍戰勝佛



南無善遊步佛

南無周匝莊嚴功德佛

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三寶無量

賢聖一拜

問曰 十方皆淨土 云何獨指西

答曰 願強教主勝 諸經共讚推

十疑論第四云問曰等是念佛求生一佛淨土何不十方佛土中隨念一佛何須偏念西方



阿彌陀佛年答曰凡夫無智不敢自專主稟用佛語  
故偏念阿彌陀佛三云何用佛語年云釋迦大師一  
代聖教處處唯勸衆生專心偏念阿彌陀佛求  
生西方極樂世界如無量壽觀經等七十六種  
因緣殷勤指授求生西方極樂世界其餘諸佛  
一切淨土雖一經兩經略勸往生未若力阿彌陀佛  
國處處經論勸令往生是故偏念也如隨願往  
生經云普廣菩薩問佛十方悉有淨土世尊何  
故偏讚西方阿彌陀淨土專遣往生佛告普廣闍  
浮衆生心多濁亂爲此偏讚西方一佛淨土使



諸衆生專心一境易得往生若總念一切佛者  
念佛境寬則心散漫三昧難成故不得往生又  
求一佛功德與一切佛功德無異以同一佛法  
性故爲此念阿彌陀佛即念一切佛生一淨土  
即生一切淨土故華嚴經云一切諸佛身即是  
一佛身一心一智慧力無畏亦然又云譬如淨  
滿月普應一切水影像雖無量本月未曾二如  
是無礙智成就等正覺應現一切刹佛身無有  
二

問曰 自疑宿業重 十念功德微



答曰 千年萬株木 一火變成灰

十疑論第八問曰衆生無始以來造無量業  
今生一形不逢善知識又復作一切罪無惡不  
造云何臨終十念成就即得往生出過三界結  
業之事云何可通答曰衆生無始以來善惡業  
種多少強弱並不得知但能臨終遇善知識十  
念成就者皆是宿善業強始得遇善知識十念  
成就若惡業多者善知識尚不能逢何可論十  
念成就又汝以無始以來惡業爲重十念爲輕  
者今以道理三種校量輕重不定不在時節久



近多少云何爲三一者在心二者在緣三者  
決定在心者造罪之時從自虛妄顛倒生念佛  
者從善知識聞說阿彌陀佛真實功德名号生  
一虛一實豈得相比譬如萬年暗室日光輒至  
而暗頓滅豈以久來之暗不能滅耶在緣者造  
罪之時從虛妄癡暗心緣虛妄境界顛倒生念  
佛之心從聞佛清淨真實功德名号緣無上菩  
提心生一真一偽豈得相比譬如有人被毒箭  
中箭深毒礮傷肌破骨一聞滅除藥鼓即箭出  
毒除豈以箭深毒礮而不肯出也在決定者造



罪之時以有間心有後心也念佛之時以無間  
心無後心遂即捨命善心猛利是以即生譬如  
十圍之索千夫不制童子揮劍須臾兩分又如  
千年積柴一豆火焚少時即盡又如有人一生  
已來修十善業應得生天臨終之時起一念邪  
見即墮阿鼻地獄惡業虛妄以猛利故尚能排  
一生之善業令墮惡道豈況臨終猛心念佛真  
實無間善業不能排無始惡業得生淨土無有  
是處又云一念念佛滅八十億劫生死之罪爲  
念佛時心猛利故伏滅惡業決定得生不須疑



念佛

也上古相傳判十念成就作別時意者此定不  
可又那先經云國王問那先沙門言人在世間  
作惡至百歲臨終時念佛死後得生佛國我不  
信是語那先答曰如持百枚大石置於船上因  
船故不没人雖有本惡一時念佛不入泥犁中  
其小石没者不置船上如人作惡不知念佛便  
入泥犁中又何疑也

問曰 具縛凡夫輩 焉能生彼池

答曰 自力經多劫 佛威頃刻時

具十疑論第五問曰具縛凡夫惡業厚重一切



自力  
他力

煩惱一毫未斷西方淨土出過三界具縛凡夫  
云何得生答曰有二種緣一者自力二者他力  
故十住婆沙論云於此世界修道有二種一者  
難行道二者易行道難行道者在於五濁惡世  
於無量佛時求阿鞞跋致甚難可得此難無數  
塵沙說不可盡略述其五一者外道相似善亂  
菩薩法二者無賴惡人破他勝德三者顛倒善  
果能壞梵行四者聲聞自利障於大慈五者唯  
有自力無他力持譬如跛人步行一日不過數  
里極大辛苦謂自力也易行道者謂信佛語教



修念佛三昧願生淨土乘阿彌陀願力攝持決定得生如人水路行藉船力故須臾即至千萬里謂他力也若言具縛凡夫不得生者同跛人義也論又云劣夫從輪王一日周行四天下非是自力輪王力也今則舉自心之信足登釋迦之教船展方便之輕帆安精進之正拖從衆聖引迎之路乘弥陀願力之風泛念佛三昧之法流到極樂淨方之彼岸矣

問曰 天宮樂不少 何須堅勸西  
答曰 五衰并十劣 不是久長時



慈恩通讀云問曰慈氏天宮快樂不少勝侶  
頗多何須堅勸往生西方答曰若論覺率即勝  
人間乃並西方全成微劣勝劣既異彼此各殊  
勸生西方捨劣求勝也勝劣有異者淨土十勝  
天宮十劣淨土十勝者一化主所居勝二所化  
命長勝三國非界繫勝四淨方無欲勝五女子  
不居勝六修行不退勝七淨方非穢勝八國土  
莊嚴勝九念佛攝情勝十十念往生勝天宮十  
劣者一所居國土劣二所化壽促劣三果繫攝  
屬劣四彼天有欲劣五男女雜居劣六修行有



退劣七穢方非淨劣八國土莊嚴劣九善念攝  
情劣十修行勞苦劣又雖壽四千歲已命欲終  
時有五衰相現一則頭上華萎二則腋下汗出  
三則起坐不定四則氣力衰微諸天勉其眷屬  
五則多諸掉舉有斯十劣五衰所以勸生彼國  
又問曰諸天妙樂壽劫長遠足得修行人中積  
善亦自超越乃至於修羅龍鬼三塗惡趣正可  
拔苦利生何必專務求生極樂耶答曰欲界諸  
天耽著妙樂醉於欲酒視東忘西貪迷放逸者  
多發心修善者少福盡即墮如箭射空色界諸



天雖獨行無交而未盡形累無色界天亦不出  
輪迴經中判為難地傳大士云饒經八萬劫終  
是落空亡又楞嚴經說十種仙類別得生理壽  
千萬歲休止深山或大海島絕於人境報盡還  
來散入諸趣唯有淨土一門侶聖賢於剎那超  
三界而常樂故云國非界繫勝也出家集

問曰

梵率祈生好

內院更無迴

答曰

誰如師子覺

外院尚耽迷

十疑論第七云問曰彌勒菩薩一生補處即  
得成佛上品十善得生彼處見彌勒菩薩何須



求生西方。若曰求生兜率。理若相似。若細比較。大有優劣。先論二種。一者縱持十善。恐不得生。何以得知。彌勒上生經云。行衆三昧。深入正受。方始得生。更無方便接引之義。不如弥陀本願力。光明力。但有念佛衆生。攝取不捨。二者如釋迦佛在世之時。大有衆生見佛。不得聖果者。如恒河沙。彌勒出世。亦爾。大有不得聖果者。未如弥陀淨土。但生彼國。已悉得無生法忍。未有一人退落。三界爲生死業縛也。又聞西國傳云。有三菩薩。修兜率一名。無著二名。世親三名。師子



覺約云先生堯率見弥勒者即來相報師子覺  
 先亡數年無報次世親亡三年乃來報云天宮  
 日長我生堯率禮弥勒佛聽其說法即來相報  
 已三年也問師子覺如何云生堯率外院總著  
 天樂即不曾見佛且以菩薩而修堯率猶有戀  
 著不見佛者此輪迴根本是知堯率難修有墜  
 非比西方易修無墜也又白蓮集先師讚毀疑  
 茅四云問曰慈恩法師千佛一數製上生經疏  
 讚內院云生天宮有七易生淨土有十難聖師  
 所說必不悞人未審如何和會答曰甬只知慈



思上生疏不知慈恩通讚疏彼通讚疏云淨土  
有十勝天宮有十劣却勸人求生淨土聖師製  
述豈自相違蓋爲演教隨機各示方便此與世  
尊親說弥陀等經勸生西方又說上生經勸生  
內院意旨何異耶衆生機緣不同佛土攝受亦  
異譬如有人生緣在南具舟欲往吳越治裝問  
程智者應酬所問豈可却讚陸地之便稱秦蜀  
之利哉如此則只增惑亂不成利益通方達士  
隨願知歸淺見狐疑強生矛盾所謂醍醐上味  
爲世所珍遇斯等人翻成毒藥普勸後人勿以



管見窺天蠡心測海疑謗佛土自結苦因深誠  
 之哉深誠之哉又郎司空大師念佛三昧儀云  
 興宗皇帝御書問曰西方極樂世界今世凡夫  
 合求生不余忝對曰夫人居浮世如客寄旅亭  
 設得盡百年亦如經一瞬根被六塵外全識遭  
 三火內焚况無實樂可貪縱有虛華何戀是故  
 西賢東哲繼武聯蹤孜孜厭處於塵囂念念忻  
 趣於佛境或上祈慈氏願往天宮西禱彌陀求  
 生淨土皆超凡之捷徑俱入聖之要門若就彼  
 境以論則一處見異報化雙彰或約自心而辨



則二義說殊易難兩具非此兜率定化定易非  
彼淨土定報定難謂兜率經中說有他方來會  
諸大菩薩住天冠中故若欲求生化兜率天則  
有七易若欲求生報兜率天則具多難以兜率  
天通報通化故求生者有易有難西方淨土亦  
有二種一化淨土經許凡夫二乘生故二報淨  
土論說女人二乘無故若欲求生報佛淨土准  
上生經疏則有十難若欲求生化佛淨土准諸  
經說還有十易一弥陀願重得生易經如諸二極  
樂不逆得生易壽量三十方諸佛攝受易淨土



經

四東方一佛助成易藥師本五二大聖者來

迎

易

壽經

六

八

大

菩

薩

引

去

易

師

經

七

奉

願

得

生

易

華嚴

品

八

書

寫

一

經

得

生

易

明定光

九

散

善

回

向

得

生

易

懺

經

十

少

時

念

佛

懺

以

極

樂

土

通

報

通

化

故

求

生

者

有

易

今

我

皇

帝

陛

下

生

在

人

中

獲

居

王

位

將

驗

前

世

因

必

已

曾

發

大

菩

提

心

必

已

曾

薩

行

雖

境

強

情

逸

時

時

應

有

於

虧

違

而

堅

念

念

常

思

其

善

利

早

年

已

曾

分

受

菩

薩

戒

今

歲

再

曾

全

受

近

住

戒

無

常

念

八

菩

薩

亦

恒

持

大



悲心又於諸處廣作善利建寺印經齋僧作福  
若直求生報佛淨土是則實難若祇求生西方  
化土願見化身無量壽佛理甚相應不爲越分  
以經疏說若受佛戒經於一日乃至七日供佛  
筵僧起塔建寺書經造像念八菩薩持大悲心  
回向願生西方極樂世界一切皆得如願往生  
生已即得見無量壽佛及八菩薩於無上道更  
不退轉更不復墮三惡道中其間苦惱一切並  
無富貴莊嚴不可勝說唯須專信勤念勤持無  
得懷疑擬進擬退

自餘凡康  
例此知之



問曰

彌勒龍華會

逢期亦出離

答曰

五十六萬載

終是下生遲

念佛鏡問曰當來彌勒下生之時三會說法度諸衆生得阿羅漢果何以不願求生云何求生彌陀淨土答曰彌勒未下生來不可待得何以得知上生經中所說釋迦牟尼佛入涅槃後經五十六億七千萬年然始下生又下生經云海水減至三千由旬彌勒乃出唯法王本記釋迦涅槃已來始有二千餘年全未擬來不可俟待衆生命短恐沉苦海多劫受殃不值彌勒今



阿彌陀佛現在說法住極樂世界廣度衆生歸  
依西方早證道果矣

今日道場同業大衆相與志心五體投地歸依  
世間大慈悲父

南無教主釋迦牟尼佛 南無西方阿彌陀佛

南無當來彌勒佛 南無普光佛

南無普明佛 南無普淨佛

南無多摩羅跋栴檀香佛 南無栴檀光佛

南無摩尼幢佛 南無歡喜藏摩尼寶積佛

南無一切世間樂見上大精進佛 南無摩尼幢燈光佛



南無慧炬照佛

南無海德光明佛

南無金剛牢強普散金光佛

南無大強精進勇猛佛

南無大悲光佛

南無慈力王佛

南無慈藏佛

南無栴檀窟莊嚴勝佛

南無賢善首佛

南無善意佛

南無廣莊嚴王佛

南無金剛華佛

南無寶蓋照空自在王佛

南無虛空寶華光佛

南無琉璃莊嚴王佛

南無普現色身光佛

南無不動智光佛

南無降伏諸魔王佛

南無才光明佛

南無智慧勝佛



南無彌勒仙光佛

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三寶無量

賢聖一拜

問曰 厭苦生極樂

豈是有慈悲

答曰

欲得治他病

先須還自醫

十疑論第一云問曰諸佛菩薩以大悲爲業

若欲救度衆生祇應願生三界於五濁三塗中



救苦衆生因何求生淨土自安其身捨離衆生  
則是無大慈悲專爲自利障菩提道天台智者  
荅曰菩薩有二種一者久修行菩薩道得無生  
忍者實當所責二者未得已還及初發心凡夫  
凡夫菩薩者要須常不離佛忍力成就方堪處  
三界內於惡世中救苦衆生故智度論云具縛  
凡夫有大悲心願生惡世救苦衆生者無有是  
處何以故惡世界煩惱強自無忍力心隨境轉  
聲色所縛自墮三塗焉能救衆生假令得生人  
中得作國王大臣富貴自在縱遇善知識不肯



信用貪迷放逸廣造衆罪乘此惡業一入三塗  
經無量劫從地獄出受貧賤身若不逢善知識  
還墮地獄如此輪迴至於今日故維摩經云自  
疾不能救豈能救諸疾人又智度論云譬如二  
人各有親眷爲水所溺一人情急直入水救爲  
無方便彼此俱沒一人有方便往取舩筏乘之  
救接悉得脫水溺之難新發意菩薩亦復如是  
未得忍力不能救衆生爲此常須近佛得無生  
忍已方能救衆生如得舩者也

問曰

臨終佛現處

邪正如何知



魔不敢現

答曰 天魔不敢現 是佛更休疑

白蓮集云問曰善境現時其事不定或邪或正臨終現時如何辨明苟若不識如何去取答曰念佛往生之人得諸佛護念故魔不敢現現者定是佛境故稱揚諸佛功德經云若有得聞無量壽如來名者一心信樂持誦誦念其人當得無量之福永當遠離三塗之厄臨命終時一心信樂念不忘捨阿彌陀佛將諸比丘往其人前魔終不能毀壞斯等正覺之心所以者何其佛世尊興立大悲誓度一切無量衆生亦復護



持十方世界一切衆生

問曰 無量人將化 弥陀豈遍知

答曰 如月處虛空 處處蒙光輝

龍舒文云問曰修行精進者臨終之時佛與菩薩來迎且如十方世界有無量衆生精進焉能皆知期而往迎乎答曰佛身如月影現衆水水清而現故無前後去來故古人云大願聖人從淨土來來實無來深心凡夫往淨土去去實無去彼不來此此不往彼而九聖會遇兩得交際弥陀光明如大圓月徧現十方水清而靜則



月現全體月非趣水而遽來水濁而動則月無定光月非捨水而遽去在水則有清濁動靜在月則無取捨去來矣

問曰 西方十萬億 路遠恐難歸

荅曰 夢魂遊萬里 何況仗佛威

■十疑論第九云問曰西方去此十萬億佛刹凡夫劣弱云何可到荅曰爲對凡夫肉眼生死心量說耳西方去此十萬億佛刹但使衆生淨土業成者臨終在定之心即是淨土受生之心動念即生淨土所以觀經云弥陀佛國去此不



遠又業力不可思議一念即生彼不須愁遠又  
如人夢身雖在牀而心意識遍至他方一切世  
界如平生不異也生淨土亦爾動念即生不須  
疑也又弥陀鈔問曰觀經云西方不遠且西方  
去此十萬億佛刹今云不遠者何也答曰有二  
義一往生不遠觀經云如彈指頃即得往生彼  
國二相迎不遠經云臨命終時阿弥陀佛與諸  
聖衆現在其前又遠近相對信念即近不信即  
遠也

問曰 若負殺生債 冤業豈能離



答曰 往生成佛後 同度更無疑

龍舒文云問曰人平生為惡殺害衆生苦虐人民臨死念佛亦得往生其所殺所害之衆生懷冤枉之心何時而可解乎答曰生淨土得道之後皆能度脫一切怨親豈不勝怨怨相報彼此無出期者乎

問曰 臨終十念往 何假預修持

答曰 人生有壽夭 十橫恐難知

慈恩通讀云問曰臨終作善便得往生何假預前修諸勝業答曰人生壽夭難測短長或即



病困昏迷或即非時奄逝既闕生前之善難逃  
後世之殃預作善緣恐防斯咎群疑論云十種  
命終不得念佛一則善友未必相遇二則或疾  
苦纏身不遑念佛三或偏風失語不得稱名四  
或狂亂失心注想難尅五或俄逢水火不暇志  
誠六或輒遇豺狼無其善友七或臨終惡友壞  
彼信心八或飽食過多昏迷致命九或軍作鬪  
戰奄爾輪迴十或忽墮高巖傷中身命如此不  
得待臨終十念也  
今日道場同業大眾相與志心五體投地歸依



世間大慈悲父

南無教主釋迦牟尼佛

南無西方阿彌陀佛

南無當來變勒佛

南無世淨光佛

南無善寂月音妙尊智王佛

南無龍種上尊王佛

南無日月光佛

南無日月珠光佛

南無惠幡勝王佛

南無師子吼自在力壽

南無妙音勝佛

南無常光幢佛

南無觀世燈佛

南無惠威燈王佛

南無法勝王佛

南無須彌光佛

南無須曼那華光佛

南無優曇鉢羅華珠勝佛



南無大慧力王佛

南無阿閼毗歡喜光佛

南無無量音聲王佛

南無山海慧自在通王佛

南無大通光佛

南無才光佛

南無金海光佛

南無一切法常滿王佛

南無寶海佛

南無寶英佛

南無寶成佛

南無寶光佛

南無寶幢幡佛

南無寶光明佛

南無阿閼佛

南無大光明佛

南無無量音佛

南無大名稱佛

南無得大安隱佛

南無正音聲佛

南無無限淨佛

南無月音佛

南無無限名稱佛

南無月光佛

南無無垢光佛

南無淨光佛



南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三寶無量

賢聖一拜

問曰 蓮苞住胎日 苦樂定難知

答曰 如在夜摩天 妙樂不思議

白蓮集云問曰未審花中受苦受樂耶答曰  
花中住處如忉利天夜摩天所受快樂故寶積  
經第十八云譬如三十三天夜摩天等八百由



旬或五百由旬宮殿之內遊戲歡樂我見極樂  
世界人住胎者如夜摩天處於宮殿

問曰 智者心是佛 愚人愛徃西

答曰 根緣有利鈍 演教各隨機

■寂照集云問曰六祖壇經云凡愚不了自性  
不識身中真佛西方願東東方願西悟人在處  
一種誌公云智者知心是佛愚人愛徃西方若  
果是真正法門何故二大士排遣答曰佛說法  
有隱顯教有權實人根有利鈍祖師有抑揚譬  
如受疾不同處方還異今有病熱發黃方大狂



亂有善醫者必以寒藥治之豈可却讚乳石桂  
附有除寒起廢之功耶有偏見人聞寒藥有治  
熱之功遂云乳石桂附永不可用豈不謬哉祖  
師單傳心印誌公方讚大乘直指人心見性成  
佛佛法雙亡不立文字當時人尚未信受豈可  
又教人念佛求生也圓機達士固自無疑求法  
初心定生猶豫但得意忘言顛通了解自無矛  
楯也

問曰 無想是泥洹 有想即爲癡

答曰 誰留十六觀 佛語敢生疑



白蓮集云問曰般舟經云是我心作佛是我  
心見佛心有想爲癡無想是泥洹今起想想佛  
豈不爲癡耶荅曰機差教別聖意難思遮表多  
門文旨非一或就理遮情隨有想而皆非或簡  
境對治約行須明違順順即善淨之想違即惡  
染之想若淨想想善則善境現若染想想惡則  
惡境現故方等賢護經云惡欲想女夢見於女  
善欲想佛夢見於佛今謂二想同名則善惡天  
隔不可聞想一槩厭之若苟厭之則違佛謗法  
違佛則非爲佛子謗法則入十方泥犁可不慎



乎況此觀行是三世諸佛淨業正因一切凡夫成聖元胎安得輕易而不遵哉

問曰 女人論中說 不許生蓮池

答曰 蓮池纔到者 轉女化男兒

■白蓮集云問曰論云女人及根缺不生此云何通答曰此果女人求者得生生彼國時轉為男子

問曰 亦有修行者 不樂見阿彌

答曰 宿無緣種故 障重有何疑

■白蓮集云問曰亦有人不樂生極樂者何也



答曰宿無緣種故執見分別故不樂也

問曰設如不信敬毀謗有何非

答曰阻他求生者多劫墮泥犁

■大乘懺悔儀第三卷云問曰設爾不信有何過失答曰稱揚諸佛功德經云其有不信讚歎稱揚阿彌陀佛名号功德而毀謗者是人命終具足五劫墮阿鼻獄具受衆苦又作餓鬼百千萬劫乃至畜生百千萬劫常爲刀茅之所害也

出得又大彌陀經云其有人民男子女人聞阿彌陀佛聲不信有者不信經語不信有比丘僧



唐代宗

心生狐疑都無所信者皆故從惡道中來生愚  
癡不解宿命殃惡未盡尚未當度脫故心中狐  
疑不信向耳又甘露疏云徵驗傳說大歷年中  
衡州有一夫曰張瑗以謗毀故病而身爛每至  
日晚見金剛力士身長三丈許著大坑中受極  
苦惱經於數旬作牛吼聲舌墮而卒瑗有兄弟  
數人爲喜其謗總皆身爛舌墮相次而終此類  
甚多不能具述經傳所說  
深可怖畏  
今日道場同業大衆相與志心五體投地歸依  
世間大慈悲父



南無教主釋迦牟尼佛

南無西方阿彌陀佛

南無當來彌勒佛

南無日光佛

南無無量寶佛

南無蓮花最尊佛

南無身尊佛

南無金光佛

南無梵自在王佛

南無金光明佛

南無金海佛

南無龍自在王佛

南無一切花香自在王

佛

南無樹王

佛

南無勇猛執持牢仗棄捨戰鬪佛

南無內豐珠光佛

南無無量香光

佛

南無師子響音佛

南無大強精進勇力佛

南無過去堅住佛

南無鼓音王

佛



南無日月英佛

南無超出衆華佛

南無世燈明佛

南無休多易寧佛

南無寶輪佛

南無常滅度佛

南無淨覺佛

南無無量寶花明佛

南無須弥步佛

南無寶蓮花佛

南無一切衆寶普集佛

南無法輪衆寶普集豐盈佛

南無樹王豐長佛

南無圍遶特尊德淨佛

南無無垢光

佛

南無日光佛

敬禮過去無數劫諸佛大師海德如來

敬禮無量無邊盡虛空界無生法身菩薩無漏



色身菩薩

發心菩薩

無邊身菩薩

敬禮興正法馬鳴菩薩

敬禮興像法龍樹菩薩

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三寶無量

賢聖一拜

今日道場同業大眾如上問答已經開示疑障

消除心意泰然已信之後更不再疑從今已去

至於往生願弟子曁等承是懺悔所生功德速



生淨土同成佛果受無盡樂

禮念彌陀道場懺法卷第二

駭候楷切勵隋跛切拖徒可切瞬音慶慶三上音杵  
此下准奄音遑音豺音傷中下音脩食尹切



五  
門  
二

二



禮念彌陀道場懺法卷第三

引教比證第三

夫引教比證者集佛祖語要採諸子文章削去繁蕪撮其精粹一言捷徑便出輪迴六字法門直超生死依憑聖教方免沉淪耳  
今日道場同業大眾前已決疑生信釋然冰泮今復引教比證拂遣餘惑又復無始以來至於今日積惡如恒沙造罪滿大地捨身與受身不覺見亦不知如是種種罪垢因緣無量無邊今日發露願乞除滅水懺略云先當興五種心以爲



方便然後此罪乃可得滅何等爲五一者慚愧  
二者恐怖三者厭離四者怨親平等五者觀罪  
性空茅一慚愧者自思我與釋迦如來同爲凡  
夫而今世尊成佛以來已經爾所塵沙劫數我  
等相與耽染六塵輪迴生死無有出期此實世  
間可慚可愧茅二恐怖者既是凡夫身口意業  
常與罪相應以是因緣命終之後當墮地獄畜  
生餓鬼三塗惡道受無量苦如是實爲可恐可  
怖茅三厭離者相與常觀生死之中天猶如車輪  
生老病死八苦交煎無時暫息此身衆苦所集



一切皆是不淨何有智者當樂此身生死既有  
種種惡法甚可厭離第四怨親平等者於一切  
衆生起慈悲心無彼我想何以爾者若見怨異  
於親即是分別以分別故起諸憎愛因違順緣  
造諸惡業惡業成熟故得苦果他以怨來已須  
親應於含毒者報之以恩應作是觀我昔惱君  
君今怒我我之宿罪縱使殺身亦合甘心而况  
怒耶假饒前世無罪今輒怨憎橫見欺凌應當  
思忖彼有智耶彼無智耶彼有智者欲令成就  
忍波羅蜜是我恩師云何遭遇但應仰報豈敢



懷違若無智者乃是悲田如母聞子返罵之時  
母轉歡心但更撫摩曾無愠色愍其癡小唯與  
深恩今亦如斯彼蓋煩惱內攻迷魔密使性味  
狂歇力不自由以此悲心但垂拔救豈合念咎  
思以爲讎若起違心與癡何異人欲強者推以  
爲強人欲高者推以爲高豈有違順憎愛於其  
間哉怨親平等矣茅五觀罪性空者無有體相  
從因緣生顛倒而有既從因緣而生則從因緣  
而滅從因緣而生者狎近惡友造作不善從因  
緣而滅者即是今日洗心懺悔是故經言此罪



性不在內不在外不在中間故知此罪本從空  
生六根本淨四大元空物我皆亡將何爲苦欲  
除妄本須見靈源故了性空是真滅罪

今日道場同業大衆從於今日乃至往生觀罪  
性空悉無障礙相與志心等一痛切五體投地  
歸依世間大慈悲父

南無教主釋迦牟尼佛

南無世自在王佛

南無西方阿彌陀佛

南無二十五俱胝佛

南無南方現在一切諸佛

南無日月光佛

南無名稱光佛

南無大光蓋佛



南無迷盧光佛

南無無邊精進佛

如是等佛如苑伽沙住在南方廣舌稱讚佛土功德攝受法門

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三寶無量

賢聖一拜

今日道場同業大眾各各志誠善攝心聽古今佛祖勸修西方無盡法門



釋迦教主

偏讀法門

今日道場同業大眾賢護經云假使有人以七寶滿十方微塵數三千大千世界以用布施復以衣服飲食四事供養一切衆生皆令得至阿羅漢果其福多不賢護白言世尊其福甚多佛告賢護不如有人勸令稱念一聲阿彌陀佛功德即過於彼勸他既爾何況自念一聲尚爾何況多耶又陀羅尼集經云若四部衆持持七寶滿世界中布施十方一切諸佛不如有人以一錢一香一花好心供養阿彌陀佛作此功德者

稱作功德

供佛功德



燃燈劫

吐神功

一切諸佛及諸菩薩金剛天等皆悉歡喜死生  
阿彌陀佛國若人然燈供養阿彌陀佛命終生  
彼佛國即得天眼徹見十方一切世界陀羅尼  
集經云若轉輪王十萬歲中滿四天下七寶布  
施十方諸佛不如有人一彈指頃坐禪以平等  
心憐愍一切衆生念阿彌陀佛功德死生彼國  
救阿難焰口陀羅尼經云諸佛子等若聞阿彌  
陀如來名號能令汝等往生西方極樂淨土蓮  
花化生得不退地藥師經云若淨信男女有能  
受持八分齋戒或經一年或經三月以此善根



願生西方極樂世界有未定者若能聞我藥師  
瑠璃光如來名號臨命終時有八菩薩乘神通  
來示其道路即於西方極樂世界寶蓮花中自  
然化生

今日道場同業大眾相與志心五體投地歸依  
世間大慈悲父

南無教主釋迦牟尼佛 南無西方阿彌陀佛

南無當來彌勒佛 南無林梵天佛

南無不退轉輪成首佛 南無大興光王佛

南無法種尊佛 南無日月燈明佛



南無須彌佛

南無大須彌佛

南無超出須彌佛

南無香像佛

南無圍遶香勳佛

南無淨光佛

南無香自在王佛

南無大集佛

南無香光明佛

南無大光佛

南無無量光明佛

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海衆菩薩

南無佛陀

南無達摩

南無僧伽

又復歸依如是西方盡虛空界一切三寶無量

賢聖一拜



馬鳴論主

起信法門

大乘起信論云如修多羅說若人專念西方極樂世界阿彌陀佛所修善根回向願求生彼世界即得往生常見佛故終無有退若觀彼佛真如法身常勤修習畢竟得生住正定故  
今日道場同業大眾相與志心五體投地歸依世間大慈悲父

南無教主釋迦牟尼佛

南無西方阿彌陀佛

南無當來彌勒

佛

南無開光明

佛

南無月燈光佛

南無月光佛

南無日月光明佛



南無火光明佛

南無集音佛

南無最威儀佛

南無光明尊佛

南無蓮花軍佛

南無蓮花響佛

南無多寶佛

南無師子吼佛

南無師子音佛

南無精進軍佛

南無金剛踊躍佛

南無度一切禪絕衆疑佛

南無寶大侍從佛

南無無憂佛

南無地力持勇佛

南無最踊躍佛

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三寶無量



賢聖一拜

坦淵記主

甘露法門

甘露疏記第一云念佛求生淨土者與初心沈  
修餘善者優劣不同沈修餘善者唯依自力要  
經多劫修行不退方獲聖果則甚為難念佛求  
生淨土者依阿彌陀佛願力攝持不捨則少有  
退更甚為易也譬如二人皆欲渡海往詣寶山  
一人則種植樹木待以為船欲使樹成甚為久  
遠多諸障難不能得渡自力沈修餘善者亦復  
如是



柔軟語告大商主憐愍聽許即時登船不歷久  
遠得至寶所依阿弥陀願力攝持念佛求生淨  
土者亦復如是又云從昔無量劫來常受苦惱  
一一身生一劫之中所積身骨如王舍城毗富  
樓山所飲乳汁如四大海水身所出血多四大  
海水父母等命終哭泣所出目淚多四海水沉  
生曠劫不遇覺王且佛出中天舍衛三億人不  
見不聞震旦一方不知不覺三塗八難障重難  
逢諸佛希出世處難無緣值雖生不值佛而慶  
遇此經



慈覺長老

語錄法門

勸化文云蓋以初心入道忍力未淳須託淨  
緣以為增上何則娑婆國土釋迦已滅彌勒未  
生極樂世界阿彌陀佛現在說法娑婆國土觀  
音勢至徒仰嘉名極樂世界彼二上人親為勝  
友娑婆國土諸魔覓作惱亂行人極樂世界大  
光明中決無魔事娑婆國土邪聲雜亂女色妖  
嬖極樂世界水鳥樹林咸宣妙法正報清淨無  
實女人然則修行緣具無若西方淺信之人橫  
生疑謗竊嘗論之此方之人無不厭俗舍之喧



煩慕蘭若之寂靜故有捨家出家則殷勤讚歎  
而娑婆衆苦何止俗舍之喧煩極樂優游豈直  
蘭若之寂靜知出家爲美而不願往生其惑一  
也萬里辛勞遠來知識者蓋以發明大事決擇  
死生而弥陀世尊色心業勝願力弘深一演圓  
音無不明契願衆知識而不欲見佛其惑二也  
叢林廣衆皆樂棲遲少衆道場不欲依附而極  
樂世界一生補處其數甚多諸上善人俱會一  
處既欲親近叢林而不慕清淨海衆其惑三也  
此方之人上壽不過百歲而童癡老耄疾病相



仍昏沉睡眠常居太半菩薩猶昏隔陰聲聞猶  
昧出胎則尺璧才陰十喪其九而未登不退可  
謂寒心西方之人壽命無量一託蓮苞更無死  
苦相續無間直至菩提所以便獲阿惟越致佛  
階決定可期流轉娑婆促景迷於淨上長年其  
惑四也若乃位居不退果證無生在欲無欲居  
塵不塵方能興無緣慈運同體悲回入塵勞和  
光五濁其有淺聞單慧或與少善相應便為迥  
出四流高超十地抵訶淨土耽戀娑婆掩目歸  
空宛然流浪並肩牛馬接武泥犁不知自是何



人擬比大薩菩薩其惑五也故經云應當發願  
願生彼國則不信諸佛誠言不願往生淨土豈  
不甚迷哉古德云念佛一門有七種勝一詞少  
易行勝二念緣佛境勝三離難獲安勝四稱名  
滅罪勝五持念獲福勝六果感見佛勝七親迎  
往生勝弥陀十勝一能滿所求勝二親迎往生  
勝三蒙光超世勝四聞名得法勝五聞名轉質  
勝六聞名修敬勝七聞名證果勝八聞名受生  
勝九聞名具德勝十聞名不退勝淨土十勝一  
生值三寶勝二速得勝法勝三生得身相勝四



無惡唯善勝五無苦純樂勝六所須隨念勝七  
壽命長遠勝八修行不退勝九國非界繫勝十  
國土莊嚴勝往生十勝一經說易生勝二時但  
少修勝三聖衆護念勝四光明攝受勝五乘佛  
願力勝六化主親迎勝七諸佛證明勝八能滅  
衆罪勝九衆經共讚勝十法滅獨行勝又往生  
十易一信解發心得生易二隨修少善得生易  
三凡修一觀得生易四慈光願攝得生易五諸  
教讚勸得生易六諸佛讚勸得生易七衆聖加  
護得生易八二聖化攝得生易九念滅衆罪得



生易十臨終聖迎得生易

今日道場同業大眾如上所說佛祖大慈悲心  
垂語勸生念佛法門我等應當相與志心五體  
投地歸依世間大慈悲父

南無教主釋迦牟尼佛 南無西方阿彌陀佛

南無當來彌勒佛 南無自在王佛

南無無量音佛 南無定光明佛 南無寶光明佛

南無寶蓋照空佛 南無妙寶佛 南無諦幢佛

南無梵幢佛 南無阿彌陀佛 南無殊勝佛

南無集音佛 南無金剛步精進佛



孫居士

南無自在王神通佛

南無寶火佛

南無淨月幢稱光明佛

南無妙樂佛

南無無量幢幡佛

南無無量幡佛

南無大光普遍佛

南無寶幢佛

南無淨光佛

南無寶王佛

南無樹根華王佛

南無維衛莊嚴佛

南無開化菩薩佛

南無見無恐懼佛

南無一乘度佛

南無德內豐嚴王佛

南無金剛堅強消伏壞散佛

南無寶火佛

南無文殊師利菩薩

南無普賢菩薩

孫居士集三



南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三寶無量

賢聖一拜

香山居士

誓願法門

■白蓮集云香山居士白居易字樂天作畫西方幀記誓願云弟子居易焚香稽首跪於佛前起慈悲心發弘誓願願此功德迴施一切衆生有如我老者如我病者願皆離苦得樂斷惡修善不越南部便觀西方白毫大光應念來感青



蓮上品隨願往生從現在身盡未來際常得親  
近而供養也欲重宣此願而偈讚云

極樂世界清淨土無諸惡道及衆苦

願如老身病苦者同生無量壽佛所

唐李太白讚序法門

白蓮集云唐李白字太白作金泥畫西方淨  
土變相并序云我佛金天之西日沒之所去中  
華十萬億刹有極樂世界焉彼國之佛身長六  
十萬億由旬眉間白毫向右宛轉如五須弥山  
目光清白若四海水端坐說法湛然長存昭明



金沙岸列珍樹羅網彌覆欄楯周張碑礫瑠璃  
爲樓殿之飾玻瓈瑪瑙耀階砌之榮皆諸佛所  
證無虛言者若已發願未及發願若已當生未  
及當生精念七日必生其國功德罔極灼然難  
名讚曰

向西日沒處遙瞻大悲顏目淨四海水  
身光紫金山勤念必往生是故稱極樂  
珠網珍寶樹天花散香閣圖畫了在眼  
願託彼道場以此功德海冥佑為舟梁  
八十億劫罪如風掃輕霜庶觀無量壽



長觀玉毫光

東坡居士

偈頌法門

白蓮集云東坡居士蘇軾字子瞻讚阿彌陀

頌曰

佛以大圓覺

充塞恒沙界

我以顛倒想

出沒生死中

云何以一念

得往生淨土

我造無始業

本從一念生

既從一念生

還從一念滅

生滅滅盡處

則我與佛同

如投水海中

如風中鼓索

雖有大聖智

亦不能分別

願我先父母

與一切衆生



陀經說

在處為西方今所遇皆極樂 人人無量壽  
無往亦無來古

楊無為子

序讀法門

■決疑集無為子楊傑字次公作序云華嚴解脫長者云知一切佛猶如影像自心如水平彼諸如來不來至此我不往彼我若欲見安樂世界阿弥陀如來隨意即見是知衆生注念定見弥陀弥陀來迎極樂不遠乃稱性實言非權教也淨土無欲非欲界也其國地居非色界也生有形相非無色界也一切衆生未寤正覺處大夢



中六道升沉未嘗休止諸天雖樂報盡相衰修  
羅方瞋戰爭互勝傍生飛走噉食相殘鬼神幽  
陰飢渴困逼地獄長夜痛苦號呼得生人趣固  
已為幸然而生老病死衆苦縈纏唯是淨方更  
無諸苦蓮苞託質無生苦也寒暑不遷無老苦  
也壽命無量無死苦也無父母妻子無愛別離  
也上善人聚無怨憎會也華穢香食珠寶受用  
無求不得無窮苦也觀照空寂無蘊苦也悲惠  
有情欲生則生不住寂滅非二乘也智照生死  
則不退轉非凡夫也若生彼土則無諸惱不聞



知者固可哀憐亦有善士發三種不信心不求  
生者尤可嗟惜一曰吾當超佛越祖淨土不足  
生也二曰處處皆淨土西方不必生也三曰極  
樂聖域我輩凡夫不能生也夫行海無盡普賢  
願見弥陀佛國雖空維摩常修淨土十方如來  
有廣舌之讚十方菩薩有同往之心試自忖量  
孰與諸聖謂不足生者何自欺哉至如龍猛祖  
師也楞伽經有預記之文天親教宗也無量論  
有求生之偈彼皆上指精進往生謂不必生者  
何自慢哉火車可滅舟石不沉現華報者觀甚



敬淳

於張馘十念而超勝處入地獄者莫速於雄俊  
再甦而證妙因世人怨尤未必若此謂不能生  
者何自弃哉般舟三昧經云跋陀和菩薩請問  
釋迦佛未來衆生云何得見十方諸佛佛教令  
念阿弥陀佛即見十方一切諸佛又大寶積經  
云若他方衆生聞無量壽如來名号乃至能發  
一念淨信歡喜愛樂所有善根回向願生無量  
壽國者隨願皆生得不退轉此皆佛言也不信  
佛言何言可信不生淨土何土可生自欺自誤  
自弃已靈流入輪迴是誰之咎



今日道場同業大眾相與志心五體投地歸依  
世間大慈悲父

南無教主釋迦牟尼佛 南無西方阿彌陀佛

南無當來彌勒 佛 南無寶月光明 佛

南無賢最佛 南無寶蓮花步 佛

南無壞魔羅網獨步佛 南無師子吼力 佛

南無悲精進 佛 南無金寶光明 佛

南無無量尊豐佛 南無無量尊離垢王佛

南無德首 佛 南無無數精進興豐佛

南無無言勝 佛 南無無愚豐 佛



南無月英豐

佛

南無無異光豐

佛

南無迺空光明

佛

南無最清淨無量幢佛

南無好諦住唯王佛

南無成就一切諸刹豐佛

南無淨慧德豐佛

南無淨輪幢

佛

南無琉璃光最豐佛

南無寶德步

佛

南無最清淨德寶佛

南無度寶光明塔

佛

南無無量慚愧金最豐佛

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海眾菩薩



又復歸依如是十方盡虛空界一切三寶無量  
賢聖一拜

孝祥狀元

序引法門

狀元張待制作龍舒淨土文序云阿彌陀佛  
如來以大願力攝受群品繫念甚簡證果甚速  
或者疑之余嘗為之言阿彌陀佛即汝性是極  
樂國土即汝心是衆生背覺合塵淪於七趣立  
我與佛天地懸隔佛爲是故慈悲方便開示悟  
入現諸無量如幻三昧莊嚴其國備極華好復  
以辯智而爲演說令諸衆生歡喜愛樂於日用



中能發一念念彼如來欲生其國即此一念清  
淨堅固還性所有與佛無異當念是時不起於  
坐阿彌陀佛極樂國土皆悉現前如是修習乃  
至純熟幻身壞時此性不壞金蓮花臺由性種  
生往生其中如歸吾廬諸佛菩薩即我眷屬性  
無異故自相親愛友人龍舒王虛中端靜簡潔  
博通群書訓傳六經諸子數十萬言一旦捐之  
曰是皆業習非究竟法吾其惟西方之歸自是  
精進唯佛是念年且六十布衣蔬茹重趺千里  
以是教人風雨寒暑弗遑暇恤間居日課千拜



南宗高宗年  
王虛中始述

夜分乃寢面目奕奕有光望之者言其爲有道之士也紹興辛巳秋過家君於宣城留兩月始見其淨土文凡修習法門與感驗章著具有願末將求信道者鋟木傳焉委余序其書故爲之題其端云虛中名日休十月旦歷陽張孝祥序

龍舒虛中

淨土法門

店邸雨具

勸預求生

龍舒淨土文略云譬如入大城中必先覓安下處却出幹事抵暮昏黑則有投宿之地先覓安下處者修淨土之謂也抵暮昏黑者大限到



來之謂也。有投宿之地，生蓮花中，不落惡趣之  
謂也。又如春月遠行，先備雨具，驟雨忽至，則無  
淋漓狼狽之患。先備雨具者，修淨土之謂也。驟  
雨忽至者，大命將盡之謂也。無淋漓狼狽之患  
者，不至沉淪惡趣，受諸苦惱之謂也。且先覓安  
下處者，不害其幹事。先備雨具者，不害其行遠  
塗。是修淨土者，皆不妨一切世務。人何爲而不  
修乎？予一相識，平生多殺魚之罪。晚年得疾，有  
似中風。予怜其罪惡疾苦，乃往見之，勸念弥陀，  
堅不肯念。但與予說雜話，豈非爲惡業所障疾



病所昏已不能迴心念善閉眼之後將奈之何  
故修此者宜急早迴首也世間晝必有夜寒必  
有暑人所共知不可隱者若曰生必有死人乃  
諱之不肯說出何大蔽也蓋不知所謂我者初  
不曾死唯業緣盡而去耳故不可不修淨土以  
求蓮花中生而受清虛之身無極之壽以脫一  
切生死苦惱也

佛示阿難

勸凡求生

龍舒云大阿彌陀經釋迦佛一日容顏異常  
侍者阿難恠而問之佛言善哉所問者勝於供



養一天下聲聞緣覺及布施諸天人民以至蜎  
飛蠕動之類雖至累劫猶百千萬倍不可以及  
所以者何以諸天帝王人民乃至蜎飛蠕動之  
類皆因汝所問而得度脫之道以此觀之是釋  
迦佛初欲說阿彌陀佛之時其存於心而形於  
色者已異於平日則阿彌陀佛所以感諸佛者  
固以非常况於感一切衆生者乎及阿難問而  
告之則爲諸天帝王人民以至蜎飛蠕動之類  
皆因汝所問而得度脫之道是上自諸天下至  
蠕動皆同在三界之內故不出輪迴是以未爲



得度脫者阿彌陀大願力無所不度故皆度脫  
之也觀其初發願偈云我至成佛時名聲超十  
方人天忞得聞俱來生我刹地獄鬼畜生亦生  
我刹中是則凡在三界六道輪迴之內者無所  
不度是以此經云阿彌陀佛現在西方極樂世  
界又在十方世界教化無央數諸天人民以至  
蜎飛蠕動之類莫不得過度解脫者蜎飛謂微  
細飛蟲也蠕動謂微細蛆蟲也若此者佛尚化  
度況於人乎是其所以廣度衆生無有窮極而  
人一念歸依遂生其國無足疑也



現未俱益

勸俗求生

淨土之說多見於日用之間而其餘功乃見於身後不知者止以爲身後之事而已殊不知大有益於生前也何則佛之所以訓人者無非善與儒教之所以訓人何以異哉唯其名有不<sub>人</sub>同耳故其以淨土爲心則見於日用之間者意之所念口之所言身之所爲無適而非善善則爲君子爲大賢現世則人敬之神佑之福祿可增壽命可延由是言之則從佛之言而以淨土爲心者孰謂無益於生前乎其次爲業緣所奪



而不能專心志於此苟有志焉者亦惡緣自此而省善緣可以自此而增惡緣省而不已終必至於絕其惡善緣增而不已終必至於純乎善惡既絕矣善既純矣非為君子而何非為大賢而何由是言之則從佛之言而以淨土為心者孰謂無益於生前乎又其次不知禮義之所在不知刑罰之可畏唯氣力之為尚唯勢利之為趨苟知以淨土為心則亦必知省已而自咎所謂雖不能皆合於禮義亦必近於禮義矣雖不能盡超乎刑罰亦必遠於刑罰矣漸可以脫小



人之域而終爲君子之歸庸人稍知佛理者世人目爲善人此其效也由是言之則從佛之言而以淨土爲心者孰謂無益於生前乎或曰從孔子之言而以儒教爲心豈不益於生前何必淨土哉曰此世間法耳非出世間法世間法則不出於輪迴出世間法則直脫輪迴之外淨土既益於生前又益於身後者以其兼出世間法故也

因少果多

勸衆求生

凡修持法門有九品人人皆可以修雖罪惡之



人佛亦不棄迴心向善則爲善矣故此十念法  
門人皆可以通行譬如久爲暗室一燈照之則  
明矣故雖殺牛屠馬之人放下屠刀亦可以修  
者不難亦不妨一切俗事故在官不妨職業在  
士不妨修讀在商賈不妨販賣在農人不妨耕  
種在公門不妨幹事在僧不妨禪誦凡一切所  
爲皆不相妨故曰其修持功夫見於早晨一茶  
之頃耳遂可以爲萬萬劫不壞之資人何爲而  
不修乎今有販物者一錢而得兩錢之息則必  
自喜以爲得息之多矣行路者一日而及兩日



之程亦必自喜以爲及程之多矣是於外物小  
有所得而知其喜也或兩錢而得一錢之價必  
憂之以爲喪本兩日而及一日之程亦必憂之  
以爲費日是於外物小有所失而知其憂也何  
於吾身之光陰有限則汨沒以過其失大矣而  
不以爲憂於淨土之因緣難遇幸而知之其得  
大矣而不以爲喜是徒見小得失而知其憂  
喜及得失之大者則不能知何不思之甚也况  
不費時刻用力甚少而收功有不可盡言者何  
爲而不修乎此而不修可痛惜哉可痛惜哉



比較優劣

勸迷求生

人驟聞淨土之景像多不信之無足怪也蓋拘於目前所見遂可謂目前所不見者亦如此而已且如陋巷糞壤之居者安知有廣廈之清淨小器藜藿之食者安知有食前之方丈弊簋錙銖之蓄者安知有天府之充溢故處婆婆濁世不信有清淨佛土所以生長於胞胎不知彼有蓮花之化生壽不過百年不知彼有河沙之壽數衣食必由於營作不知彼有自然之衣食快樂常雜於憂惱不知彼有純一之快樂然則



佛之所言不可以目前所不見而不信也。况佛切誠人以妄語必不自妄語以誑人。世人妄語者非以規利則避害。佛無所求於世何規利之有。佛視生死如刀斫虛空何避害之有。是佛無所用其妄語也。世間中人已上者猶不肯妄語以喪其行止。况佛乎。其言可信無足疑也。

### 雙明十戒

### 勸儒求生

儒者或以釋氏之徒無戒行故輕其教而因以不信淨土。是不然。豈可以道士不肖而輕老子士人不肖而輕孔子智者尚不以人廢言况



可以其徒而輕其教乎釋氏之教有世間法有  
出世間法其世間法與吾儒同者不可以縷數  
姑舉其大者言之釋氏所以孜孜訓世人者無  
非誠惡勸善而吾儒何嘗不誠惡勸善哉且以  
目前言之佛以殺生偷盜邪婬為身三業而孔  
子言勝殘去殺詩人言文王德及鳥獸昆蟲是  
豈不誠殺哉盜固不在所言矣孔子言吾未見  
好德如好色者詩人刺不好德而悅美色是豈  
不誠邪婬哉佛以妄言綺語兩舌惡口為口四  
業孔子謂人而無信不知其可豈不誠妄言也



謂巧言令色鮮矣仁豈不誠綺語也書稱爾無  
面從退有後言豈不誠兩舌也惡口謂之惡怒  
之聲尚未至於穢語荀子謂傷人之言深於矛  
戟是未嘗不誠惡怒之口也佛又以貪嗔癡爲  
意三業孔子謂見得思義是則誠貪矣謂伯夷  
叔齊不念舊惡是則誠嗔矣謂困而不學民斯  
爲下是則誠癡矣由此言之儒釋未嘗不同也  
其不同者唯儒家止於世間法釋氏又有出世  
間法儒家止於世間法故獨言一世而歸之於  
天釋氏又有出世間法故知累世而見衆生業



緣之本末此其所不同耳欲知釋氏之所長須  
看楞嚴楞伽圓覺無量壽菩薩所問經及曉金  
剛經之理未能如是而遂非之則孔子所謂不  
知而作之者可不誡哉誠如是則釋氏爲可信  
矣其言淨土烏可以不信哉所謂出世間法淨  
土尤其要者不可以不勉也

勤修須斷

勸執求生

世有專於執著者云唯心淨土豈復更有淨  
土自性弥陀不必更見弥陀此言似之而非也  
何則西方淨土有理有迹論其理則能淨其心



故一切皆淨誠爲唯心淨土矣論其迹則實有  
極樂世界佛叮嚀詳複言之豈妄語哉人人可  
以成佛所謂自性弥陀者固不安矣然卒未能  
至此譬如良材可以雕刻物象極其華麗必加  
以雕刻之功然後能成不可遽指良材而遂謂  
物象之華麗也是所謂唯心淨土而無復更有  
淨土自性弥陀不必更見弥陀者非也又或信  
有淨土而泥唯心之說乃謂西方不足生者皆  
失之矣何則此言甚高且恐不易到古人云見  
道方修道又云單輪不運隻翼不飛又解行相



應名之曰祖圭峯云佛本是而勤修惑元無而  
須斷祖師云若有纖毫習漏不盡未免啣鐵負  
鞍償他去在然吾心可以爲淨土而卒未能爲  
淨土吾性可以爲阿彌而卒未能爲阿彌烏得  
忽淨土而不修捨阿彌而不欲見乎大阿彌陀  
經云十方有無量菩薩往生阿彌陀國彼菩薩  
尚欲往生我何人哉不欲生彼是果勝於諸菩  
薩乎

今日道場同業大衆自白居易至王虛中先世  
名儒皆有讚歎西方法門我輩應當相與志心



五體投地歸依世間大慈悲父

南無教主釋迦牟尼佛

南無西方阿彌陀佛

南無當來彌勒佛

南無蓮花尊豐佛

南無淨寶興豐佛

南無電燈幡王佛

南無法空燈佛

南無一切衆德成佛

南無賢幡幢王佛

南無一切寶緻色持佛

南無斷疑拔欲除冥佛

南無意無恐懼威毛不豎佛

南無師子佛

南無名稱遠聞佛

南無法名號佛

南無奉法佛

南無法幢佛



南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三寶無量

賢聖一拜

今日道場同業大衆色身難保赴康健時辦此  
大事應常作念云吾曹自無始以來輪迴六道  
不曾知此法門故不得出離今日知之豈可不  
即時下手年高者固當勉力年少者不可因循  
三教同修九流共往命終徑生極樂世界迴視



死入陰府受恐怖者不可同年而語矣以大慈  
悲救護六道一切衆生從今已去至於往生願  
弟子等承是懺悔貪嗔癡等一切煩惱深識  
三果猶如牢獄四大毒蛇五陰怨賊拔疑惑根  
斷無明源正向涅槃般不休息十波羅蜜常得  
現前懺悔已志心敬禮常住三寶

禮念弥陀道場懺法卷第三



今日道場同業大眾前已引教比證次明往生  
傳錄是以博采教典該括古今開釋疑情迺超  
信地若登彼岸舟固可忘來者問津斯言勿忽  
無輒悔墮悞認疑城欲求往生先應禮懺救拔  
我等無始至今罪障消滅相與志心等一痛切  
五體投地歸依世間大慈悲父

南無教主釋迦牟尼佛

南無世自在王佛

南無西方阿彌陀佛

南無三十六俱胝佛

南無西方現在一切諸佛

南無無量壽佛

南無無量菴

佛

南無無量光佛



南無無量幢佛

南無大自在佛

南無大光佛

南無光燄佛

南無大寶幢佛

南無放光佛

如是等佛如殑伽沙住在西方廣長舌讚佛土  
功德攝受法門

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三寶無量

賢聖一拜



今日道場同業大衆善攝心耳一一諦聽定意  
散心作觀念佛一日七朝一聲十念依經修持  
見聞隨喜盡得往生極樂世界各如本傳

廬山遠公

結社往生

梁高僧傳第六云東晉僧慧遠法師鴈門人  
居廬山與劉遺民等僧俗百二十三人結為蓮  
社以修淨土謂他日生蓮花中也遺民著文讚  
頌感一仙人乘雲聽法空中或奏清嘒聲御長  
風法師澄心觀想初十年三覩聖相而遠公沉  
厚不言後七月遠又見阿彌陀佛身滿虛空圓



光之中有諸化佛觀音勢至侍立左右又見水流光明分十四支一支水流注上下自然演說苦空無常無我妙法如十六觀經所說佛告遠曰我以本願力故來安慰汝後七日當生我國見僧佛默耶舍及慧持曇順住佛之側向前揖遠曰法師之志在吾先何來之遲也遠自見分明乃與其徒言之且曰始吾居此幸於淨土三觀聖相今復見之吾生淨土決矣次日寢疾至七日聖衆遙迎寂然而化時義熙十二年八月六日也同會一百二十三人前後皆生淨土



具列碑文

晉闕公則

報現往生

高僧傳云東晉闕公則遠公白蓮社中人已  
亡友人於東京白馬寺作忌日林木殿宇皆作  
金色空中有聲云我是闕公則所祈往生極樂  
寶國今已遂矣故來相報言訖不現

天台智者

三昧往生

往生傳云天台智者釋智顗字德安潁川人  
開皇十七年帝請授菩薩戒還山一心在定他  
日由定起謂弟子智越曰吾之幻質旦夕云滅



汝於石城嚴持香花俟吾以謝此報身及顛至  
施牀西向專念弥陀佛與二菩薩及於淨土化  
佛與菩薩來相遮護又命侍者讀無量壽經一  
心靜聽經竟乃顧大衆合掌讀曰四十八願莊  
嚴淨土花池寶樹易到無人火車相現一念改  
悔者尚得往生況戒定熏修聖行道力實不唐  
捐豈不生耶又囑弟子多然香燭又挹三衣鉢  
杖置於身側有欲進齋食者師曰能無攀緣即  
真齋矣又索香湯漱淨舌根說十如四不生十  
法界三觀四智四無量六波羅蜜等法僧有問



隋煬帝

其所證師曰吾不領衆必淨六根為他損已退  
歸五品位耳又曰人命將終聞鍾磬聲增其正  
念汝宜鳴磬以增吾念即見弥陀觀音勢至聖  
衆幡花來迎於弥陀像前端坐終焉茅子等迎  
歸佛隴嵒大業元年九月煬帝遣使入山設忌  
齋集僧開石室唯見空榻而已

後魏曇鸞

神異往生

往生傳云後魏壁谷僧曇鸞初自陶隱居得  
仙經十卷驚忻然自得以為神仙必可致也後  
遇僧菩提留支問云佛道有長生乎能却老為



不死乎支云長生不死吾佛道也遂以十六觀  
經與之云汝可誦此則三界無復生六道無復  
往其爲壽也有劫石焉有河沙焉沙石之數有  
限壽量之數無窮此吾金仙氏之長生也鸞深  
信之遂焚仙經而專修觀經雖寒暑之變疾病  
之來亦不懈怠魏主憐其志尚又嘉其自行化  
他流傳甚廣号为神鸞一日告弟子云地獄諸  
苦不可以不懼九品淨業不可以不修因令弟  
子高聲念阿弥陀佛鸞向西閉目叩頭而亡是  
時僧俗同聞絃管之聲從西而來良久乃止至



唐德宗

唐貞觀三年四月八日，道俗集其寺，爲如來降生之日。且見鸞法師於空中，乘七寶船，指道綽曰：汝于淨土堂宇已成，但唯報命未盡耳。復見化佛菩薩，飄飄在空中，衆乃驚歎。大生信服，雖無種衆，闡提亦所服之。

前唐少康

放光往生

國往生傳下卷：唐睦州釋少康，貞元初至洛下白馬寺，見殿中文字，累放光明，採取之，乃善導西方化導文也。康曰：若於淨土有緣，當使此文再發光明。言未已，光乃閃爍，遂至長安善導影。



堂大陳薦獻善導於空中曰汝依吾事利樂有情則汝之功同生安養又逢一僧謂曰汝欲化人當往新定言訖遂隱新定今嚴州也至彼人尚無識者康乃乞錢誘小兒與之約曰阿彌陀佛是汝本師能念一聲與汝一錢小兒務得其錢隨聲念之後月餘小兒念佛求錢者衆康乃云念佛十聲乃與爾錢小兒從之如此一年無長少貴賤凡見康者則稱阿彌陀佛以故念佛之人盈於道路後康於烏龍山建淨土道場康升座令人面西康先唱阿彌陀佛次衆人和之



康唱時衆見一佛從其口出連唱十聲則有十  
佛若聯珠狀康云汝見佛不如見佛者決生淨  
土其禮佛人數千亦有竟不見者後囑衆人當  
於安養起增進心於閻浮提起厭離心又云汝  
等此時能見光明真我弟子遂放異光數道而  
亡

啓芳圓果

聞鍾往生

■往生傳云唐汾州僧啓芳圓果二法師精心  
觀想淨土後五月於觀想中同覺身臨七寶大  
池池間有大寶帳身入其中見觀音勢至坐二



大寶蓮花下有蓮花，彌滿千萬見。阿彌陀佛從西來，坐一最大蓮花，迭出光明相照。芳華禮佛，問云：閻浮衆生，依經教念佛，得生此不？佛云：如念我名，皆生我國。無有一人念而不生者。又聞釋迦佛與文殊菩薩稱讚淨土，其前又有大殿，殿有三道寶階。第一道純白衣，第二道僧俗相半。第三道唯僧無俗。佛指之謂芳華云：此皆南閻浮提念佛衆生，遂生於此。汝宜自勉。芳華既寤，歷與其徒言。後五月，二人無病遽聞鐘聲。他人不聞。芳華云：鐘聲乃我事頃刻，二人同終。



唐玄宗

台州懷王

金臺往生

■往生傳云懷王丹丘人注想淨業近四十年  
天寶元年王念佛間忽見西方聖衆數若恒沙  
中有一人手擎銀臺前以示王王曰如王者本  
望金臺何為銀臺耶臺乃隱人亦隱於是彌加  
精苦至三七日向之擎臺者復來告云法師以  
精苦故得升上品又云上品往生必先見佛可  
趺坐以俟佛來未旋踵間異光照室又三日異  
光再發王曰若聞異香我報身即盡次日書偈  
云清淨皎潔無塵垢蓮花化生為父母我經十



劫修道來出示閻浮厭衆苦一生苦行超十劫  
願離娑婆歸淨土偈畢香氣四來弟子有見佛  
與二菩薩共乘金臺傍千百化佛自西而下迎  
王王恭敬合掌含笑長歸

相州道昂

樂西往生

續高僧傳第二十卷云唐相州寒陵山釋道  
昂未詳姓氏志結西方願生安養後自知命極  
預於春首告諸有緣至八月初當來取別未測  
其言也期月既臨一無所患齋時即陞高座身  
舍奇相爐發異香援引四衆授菩薩戒詞理要



唐太宗

切聞者寒心於時七衆圍繞昂目高視乃見天  
衆繽紛絃管繁雜空中有清音遠徹告於衆曰  
堯率天樂下迎昂公昂曰天道乃生死根本由  
來非願我常析心淨土如何此誠不從遂耶言  
訖便覩天樂上騰須臾還滅便見西方香花伎  
樂充塞如團雲飛湧而來旋環頂上舉衆皆見  
昂曰大衆好住今西方靈相來迎事須聞往言  
訖但見香爐墜手於高座上端然而終即貞觀  
七年八月也

隋二沙弥

同時往生

信云



往生傳云隋并州文水縣開化寺有二沙彌其少者語其長者言兄作淨土業莫閑過日其長從之同念阿彌陀佛纔經五年其長沙彌先死往生淨土見阿彌陀佛坐百寶蓮花作紫金色既瞻禮已不勝忻慶即白佛言弟子有一小同學今在閻浮提中同作行業不妄得生此土以不世尊報言汝本無心念吾名号是彼教汝汝既得生彼何疑矣故汝還去勤行淨業正念我名三年已後共彼同來遂即還活小沙彌聞悲喜流淚不捨晝夜專心念佛既至三年二沙



隋煬帝

宋哲宗

弥心眼開明即見弥陀與諸聖來迎大地震動  
又見天花遍滿虛空此二沙弥見已忽然無病  
一時命終同往淨土大業十二年也

明州可久

報信往生

■往生傳云明州僧可久常誦法華經故号久  
法華平生修淨土業元祐八年年八十一坐化  
三日却還說淨土事與十六觀經所說一同見  
蓮花臺皆標合生者姓名一紫金臺標云大宋  
城都府廣教院熏法華已坐其中又以金臺標  
云明州孫十二即合生其中又一金臺標云久



法華又一銀臺標云明州徐道姑語訖復化去  
五年徐道姑卒異香滿室又十二年孫十二郎  
卒天樂盈空

今日道場同業大眾如上所說僧衆往生今爲  
僧者當自念云我爲出家人了達生死乃本分  
事不應如此汨沒塵俗一日大限到來有何倚  
賴雖作世善不免輪迴如修淨土速脫生死面  
見弥陀方是出家事畢又轉以化人以已爲名  
僧必信從其言所爲利益無有窮已必上品往  
生相與志心五體投地歸依世間大慈悲父



南無教主釋迦牟尼佛 南無西方阿彌陀佛

南無當來彌勒佛 南無拘樓孫佛

南無拘那含牟尼佛 南無迦葉佛

南無師子佛 南無明炎佛 南無牟尼佛

南無妙華佛 南無華氏佛 南無善宿佛

南無導師佛 南無大臂佛 南無大力佛

南無宿王佛 南無修藥佛 南無名相佛

南無大明佛 南無炎肩佛 南無照曜佛

南無日藏佛 南無月氏佛 南無衆炎佛

南無善明佛 南無無憂佛



閏月

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三寶無量

賢聖一拜

長安淨真

授記往生

■往生傳云唐長安尼淨真住積善寺衲衣乞食一生無嗔誦金剛經十萬遍專精念佛顯慶五年七月染疾語弟子曰五日内十度見阿彌陀佛觀音勢至菩薩僧衆不可稱數如來放光



照吾身ホ及室內咸皆洞明又兩度見極樂國土  
莊嚴之事寶樓閣池雜色蓮花開敷水上金沙  
德水諸天童子遊戲池中聞殊香芬郁亦見紫  
金臺聞天音樂千萬諸佛皆真金色與吾授記  
當得作佛シヤ吾得上品往生言訖跏趺而逝光照  
一寺ソカ

丹陽道瑗

佛現往生

■往生傳云劉宋丹陽尼道瑗少聰悟ソカヒ成戒之  
後研味三藏尤得其要大造佛像以廣福業又  
造金無量壽像一軀願憑其福接置西方明年



唐代宗

夏四月十一日，像於眉間大放光明，照寺內盡如金色。於金色中，無量壽佛與瑗記曰：汝捨此報，必遂依我，當善護持，勿生疑慢。瑗得其記，彌增感悅。於其月望日，就其像前，端坐入滅。

洛陽悟性

中品往生

■往生傳云：尼悟性，洛陽人。於衡州遇照閣梨發願念佛。因大曆六年入廬山，忽病聞空中音樂。尼曰：我得中品上生，見同念佛人。西方盡有蓮花也。身皆金色。時年二十四。

尼大明月

聞香往生



■往生傳云汾州平遙度脫寺名尼大明月師  
玄中寺綽禪師學念佛三昧以為真極每欲稱  
念阿彌陀佛必換淨衣口含沉香燒衆名香熏  
所居室三年不斷臨終舉寺咸覩聖衆奇光  
中聞沉水香尋卒

今日道場同業大衆如上所說尼衆往生今為  
尼者當發願云常奉三歸恒除五障又能精心  
觀想不久見佛此報身盡必定往生相與志心  
五體投地歸依世間大慈悲父  
南無教主釋迦牟尼佛 南無西方阿彌陀佛



南無當來弥勒佛

南無提沙佛

南無明耀佛

南無持鬘佛

南無功德明佛

南無示義佛

南無燈曜佛

南無興盛佛

南無藥師佛

南無善濡佛

南無白毫佛

南無堅固佛

南無福威德佛

南無不可壞佛

南無德相佛

南無羅睺佛

南無衆主佛

南無梵聲佛

南無堅際佛

南無不高佛

南無作明佛

南無大山佛

南無金剛佛

南無將衆佛

南無無作佛

南無珠寶佛

南無文殊師利菩薩

南無普賢菩薩



南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三寶無量

賢聖一拜

烏長國王

見佛往生

■ 往生傳云烏長國王萬機之暇謂群臣曰朕  
爲人主不免生老病死無常之苦六趣輪迴誰  
分貴賤聞西方佛國誓願棲神於是日夜精勤  
念佛行道廣行布施利樂衆生每日設一百僧  
齋王與后妃親手行食時請名僧咨扣妙法三



大紀

十餘年精專無替一日宮中見彌陀佛西方聖  
衆來迎祥瑞不一端坐示滅神色怡悅

學士張抗

持課往生

往生傳云晉翰林學士張抗平生積善信重  
佛門誓課大悲心十萬遍願生西方課畢年過  
六十忽寢疾唯念阿彌陀佛謂家人云西方淨  
土尤只在堂屋西間之內阿彌陀佛坐蓮花上  
翁兒在蓮花池金地地上禮佛嬉戲言訖念佛  
而亡翁兒乃孫子名方三二歲而亡矣

晉劉遺民

摩頂往生



往生傳云東晉逸士劉程之字仲思號遺民  
依遠公共修淨土專坐禪作觀想法方半歲即  
於定中見佛光照耀又地皆金色居山十五年  
末年又於想念佛中見阿彌陀佛身紫金色毫  
光散照垂手下接以臨其室程之慰幸悲泣自  
陳曰安得如來爲我摩頂以衣覆我佛乃爲摩  
其頂引袈裟以覆之他日想念又見身入七寶  
大池蓮華清白相間其水湛湛如無邊岸中有  
一佛頂有圓光膏有卍字指池水曰八功德水  
汝可飲之程之飲水甘美盈口乃還猶覺異香



德行

發於毛孔乃曰淨土之緣至矣廬阜諸僧皆來  
會程之對佛像焚香再拜祝曰我以釋迦遺教  
故知有阿彌陀佛此香當先供養釋迦如來次  
供養阿彌陀佛復供養法華會中佛菩薩衆以  
至十方佛菩薩衆願令一切有情俱生淨土祝  
畢與衆話別面西端坐歛手氣絕年五十九

信士牧卿

執幡往生

■往生傳云唐信士鄭牧卿滎陽人舉家奉佛  
母及姊妹同祈淨方至開元二十一年因疾困  
篤有醫人及同道者咸勸喻言且進魚肉以救

唐玄宗



羸軀痊復之後，修持淨戒，不亦可乎？牧鄉曰：噫，如此浮生，縱因葷穢而得痊，平終歸磨滅，不奉佛禁，而惜微命，何為確然不許？遂嚴佛事，手執幡脚，香爐一心稱念阿彌陀佛，復作是言：丈夫一心不退，願往西方，奄然長往，異香充庭，隣里共知。舅氏夢寶池花敷見，牧鄉合掌趨上，時當五十九。

京兆房耆

勸他往生

■ 彌陀感應圖云：唐房耆，京兆人，暴死至陰府，見閻羅王。王曰：據案簿，君曾勸一老人念佛，已



生淨土君承此福亦合生淨土故來相見翦曰  
先許金剛經萬卷巡禮五臺未欲往生王曰誦  
經巡禮固為好事不如早生淨土王知意不可  
奪乃放還以此知勸人修者非徒往生又感動  
幽冥也

宋邵希文

神遊脫難

龍舒文云鎮江邵彪字希文為士人時夢至  
一官府人皆稱安撫彪自喜曰豈非予及第後  
作安撫乎行至前見一官負問曰汝知汝未及  
第因不對曰不知令引彪去看見一大鑊煮蛤



蜎見彪乃作人聲叫彪姓名彪遂念阿彌陀佛  
方念一聲蛤蜎皆變作黃雀飛去彪後果及第  
至安撫使以此見殺生阻人前程不可不誠又  
見佛力廣大不可不敬官職自有定分不可苟  
求

叅軍仲回

問疑往生

■往生傳云王仲回光州司士叅軍也無為郡  
人因陳本郡圯墾水利大司農得其實請朝廷  
推恩乃有是命其為往生信厚未嘗與人較短長  
天衣懷禪師住鐵佛道場時亦嘗請問而鄉里



宋招宗

以善人稱之既而信向淨土但未具深心耳至  
元祐初問余曰經典多教念弥陀生淨土祖師  
則云心即是淨土不用更生西方其不同何耶  
荅曰實際理地無佛無衆生無樂無苦無壽無  
夭又何淨穢之有豈得更以生不生為心耶此  
理奪事也然而處此界者是衆生乎是佛乎若  
是佛境界則非衆生又何苦樂壽夭淨穢之有  
哉試自忖思或未出衆生之境則安可不信教  
典忘心念弥陀而求生淨土哉淨則非穢樂則  
無苦壽則無夭矣於無念中起念於無生中求



生此以事奪理也故維摩經云雖知諸佛國及  
與衆生空而常修淨土教化於群生又問如何  
得念不間斷荅曰一信之後更不再疑即是不  
間斷也司士忻躍而去至二年十二月旦之夜  
余寄丹陽郡忽夢司士云向蒙指示淨土今已  
得生特來相謝乃再拜而去翌日召丹徒令陳  
安止語其夢蓋陳令深信淨土故也後數日得  
司士之子進士術哀計乃知信然又聞司士未  
亡七日已前預知時至與鄉舊為別余弟作亦  
在坐屢有見謝之語然則司士決生淨土矣尤



祐四年四月八日無爲楊傑述

今日道場同業大眾如上所說男衆往生今爲  
士大夫當自念云光陰迅速幻身難保不如每  
朝以頃刻之暇修西方法門現世可以消灾身  
後更無苦趣若發大菩提心轉以化人其爲福  
報豈易量耶身後必得往生相與志心五體投  
地歸依世間大慈悲父

南無教主釋迦牟尼佛 南無西方阿彌陀佛

南無當來彌勒佛 南無七佛

南無十方十佛 南無三十五佛



南無五十三佛

南無百七十佛

南無莊嚴劫千佛

南無賢劫千佛

南無星宿劫千佛

南無十方菩薩

南無十二菩薩

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三寶無量

賢聖一拜

隋文皇后

異香往生



■往生徵驗傳云隋文帝后雖居王宮深厭女  
質常誦阿彌陀佛至臨終時異香滿室從空而  
至文帝問闍提三藏是何祥瑞荅曰西方有佛  
号阿彌陀皇后業高神生彼國况聖教分明無  
致疑矣

荆王夫人

立化往生

■龍舒文云荆王夫人元祐間與婢妾精修西  
方唯一妾懈怠夫人斥去其妾悔悟精進久之  
謂他妾云吾今夜當生西方是夜異香滿室無  
疾而終明日同事之妾告夫人云昨夜夢化去



之妾託致起居云夫人訓責我修西方今以獲  
往生感德無量夫人云使我亦夢乃可信耳其  
夜夫人夢見亡妾叙謝如前夫人云西方可到  
不妄云可到但從妾行夫人隨之見池塘廣大  
紅白蓮花大小相間或榮或悴種種不同夫人  
問云何以如此妾云此皆世間發念修西方人  
也纔發一念池內便生蓮花一朵若願心精進  
則花日日敷榮以至大如車輪若願心退轉則  
花日日萎悴以至殞滅次見一人坐蓮花上其  
衣飄揚散去寶冠瓔珞莊嚴其身夫人問云何



人也妾云楊傑也又見一人坐於花上妾云烏  
玕也夫人云我當生何處妾引行數里許遙望  
見一金壇金碧照曜妾云此夫人化生處乃上  
品上生夫人既覺訪問楊馬所在傑已亡而玕  
無恙是知精進不退者雖身在娑婆之內其神  
已在淨土矣後夫人於生日秉爐焚香望觀音  
閣而立子孫方具獻壽之儀已立化矣

夫人馮氏

病差徃生

龍舒文云馮氏夫人名法信贈少師諱詢之  
女適陳宣使陳思敬少多疾及嫁疾尤甚醫者



以爲不可療。往見慈受深禪師。問愈疾之方。深  
教以持齋誦佛。夫人盡去葷血。及莊飾之奉衣。  
掃塔服。專以西方爲念。行坐語默。動靜皆西方  
也。剎那之次。念秋毫之善。酌水獻花。誦經行道。  
一以爲西方之津糧。十年間。無惰容。心安體健。  
神氣昌旺。人皆尊向之。一日。忽書偈云。隨緣任  
業許多年。枉作老牛爲耕田。打疊身心早歸去。  
免教鼻孔受人穿。族黨恠之。夫人云。行即西歸。  
何恠之有。乃卧疾。微有喘息。忽矍然而起云。吾  
神遊淨土。面禮弥陀。觀音左顧。勢至右盼。百千



萬億清淨佛子稽首慶我來生其國若宮殿林  
沼光明神麗與華嚴經及十六觀經所說一同  
明日安然化去家人聞妙香芬馥不類人間及  
三日茶毗舉尸如生

觀音縣君

侍女往生

龍舒文云觀音縣君姓吳氏其夫都官負外  
郎呂宏亦悟佛理夫婦各齋戒清修吳氏有二  
侍女亦絕葷血勤力助爲勝業其一頗好禪理  
既病猶怡然笑話而逝如委蛻然其一奉戒尅  
苦或終月不食但日飲吳氏所呪觀音淨水一



蓋而已忽見金蓮捧足者三數日見其膝又數  
日見其身又數日見其面目其中乃阿彌陀佛  
左右則觀音勢至也又悉見其堂殿國界皎如  
拍掌曉然知其爲淨土問其詳則云彼皆清淨  
男子經行遊樂無女人也又問彼佛如何說法  
云我得天眼未得天耳故但見問荅指顧而不  
能聞所說也如是者三年未嘗一瞬不在目前  
忽感疾自言往生乃終吳氏事觀音有靈感每  
於淨室列置餅在數十以水注滿手持楊枝誦  
呪必見觀音放光入餅在中病苦者飲水輒愈



所呪水積歲不壞大寒不凍世号觀音縣君

信女梁氏

自明往生

■往生傳云唐清信女梁氏括州人也宿殃所鍾雙目無見遇僧勸令念佛一聞教誨係心相續三年之後兩目洞開無復纖翳所患既痊勤苦弥切至貞觀三年二月中不豫自知報盡臨終之時合村共見阿彌陀佛與諸大士幡花降迎遂終于世

溫文靜妻

辭親往生

■往生傳云唐并州晉陽縣溫文靜妻先患半



身不遂寢卧床枕其夫告曰終朝卧地何不念佛其妻問曰念何佛夫曰念阿弥陀佛妻奉教而念二年之中精志不絕罪障消殄彼佛現前金光洞徹備觀聖妙之事於是極懷悲愧謝其夫曰長病多時惱亂不少蒙教念佛感應殊異後日報終當往生彼國請告父母兄弟諸親設齋取別文靜初未信之試集親賓一依所請齋訖信女辭曰今隨佛後往生西方惟願父母親屬勤心念佛於後生來念佛一門功德不可思議言罷即正坐西向自稱佛号舉家齊念見佛



來迎寂然而終

姚范行婆

佛候往生

往生傳云姚行婆上都人貞觀年中因范行婆勸念阿彌陀佛臨終時見佛來迎乃曰未與范行婆別請佛暫駐相待佛處虛空候范行婆至手執香爐奄然而逝

世子童女

勸母往生

法苑珠林云童女宋朝魏世子梁郡人父子三人俱修西方唯妻不修女年十四死後七日却廻啓母曰兒往西方父兄及已已有蓮花後



當化生唯母獨無兒今輒歸相報至後母依兒  
教日念弥陀四人盡得往生安養矣

今日大衆如上所說女衆往生今爲女衆當自  
念云據佛所言欲心重者受婦女身已非善業  
若不自省更加嫉妬貪欲業緣轉深果報可畏  
若能迴心懺悔絕其非念仁慈以待婢妾溫和  
以禮上下常念阿弥陀佛定生極樂世界若轉  
化親戚及婢妾其福報無窮必上品生相與志  
心五體投地歸依世間大慈悲父

南無教主釋迦牟尼佛 南無西方阿弥陀佛



南無當來彌勒佛

又復歸依十方盡虛空界無量形像優填王金  
像栴檀像阿育王銅像吳中石像師子國  
玉像諸國土中七寶像真珠像摩尼寶像  
紫磨上色閻浮檀金像

又復歸依十方如來一切髮塔齒塔牙塔爪塔  
頂骨塔一切身中諸舍利塔袈裟塔匙鉢  
塔澡餅塔錫杖塔如是等爲佛事者

又復歸依諸佛生處塔得道塔轉法輪塔般涅  
槃塔多寶佛塔阿育王所造八萬四千塔



天上塔人間塔龍王宮中一切寶塔

又復歸依十方盡虛空界一切諸佛

歸依十方盡虛空界一切尊法

歸依十方盡虛空界一切賢聖

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三寶無量

賢聖一拜

犯戒雄俊

暴亡往生



唐代宗

銀介

■往生徵驗傳云唐釋雄俊城都人善講說無戒行所得施利非法而用又曾還俗入軍營殺戮逃難再入僧中大曆年中忽死見閻羅王判入地獄俊高聲曰雄俊若入地獄三世諸佛即成妄語觀經云下品生者造五逆罪臨終十念尚得往生俊雖造罪不作五逆若論念佛不知其數言訖往生西方乘臺而去

販雞鍾馗

念佛往生

■往生傳云張鍾馗同州人販雞爲業永徽元年臨終見宅南群雞集忽見一人著緋皂幘駟

唐高宗



雞唱言啄啄其雞四交上啄兩眼出血在牀至  
苦時值普光寺僧導令鋪聖像念阿彌陀佛忽  
聞異香奄然而逝

屠牛善和

十念往生

■往生傳云唐張善和殺牛爲業臨終見牛數  
頭作人言云汝殺我善和大悲告妻云惡請僧  
來救我僧至云十六觀經說若人臨終地獄相  
現志心十稱南無阿彌陀佛即得往生淨土善  
和不暇取香爐即以左手擎火右手捻香面西  
專切念佛未滿十聲乃云我見阿彌陀佛從西



而來與我寶座言訖而終

冤鬼仲舉

惡念往生

龍舒文云仲舉姓陳又名仙龍舒郡望江人也嘗妄殺人後見鬼現仙畏懼惡惡念阿弥陀佛鬼不敢近仲舉念佛不已鬼遂不現後常念佛臨終坐化後半年附本家孫女名妙光云我因念弥陀已生極樂世界舉動言語一如平生親戚相知皆來看至兩三日家人云惜乎你在生時不曾傳得喜神供養仲舉遂現儼然如平生唯面帶少顏蓋西方長生不老其頂如佛之



螺髻望江人周憲叔於王日休處言之

癩病吳瓊

一聲往生

又臨安府仁和吳瓊先爲僧後還俗前後兩娶生二子屠沽無所不爲常與人作厨子每殺雞鴨等物命以手持起叫云阿弥陀佛子好脫此身去遂殺之連稱佛數聲每切肉時一面切肉一面念阿弥陀佛常念不輟教村中人念經修懺及勸人念阿弥陀佛後眼上生瘤如雞子大乃憂怖造一草庵分散其妻子晝夜念佛修懺紹興二十三年秋告村中人云瓊來日戊



時去也人皆笑之將用椀鉢鍋子盡與人次日晚報諸道友行婆云瓊去時將至盡來與瓊高聲念佛相助將布衫當酒飲了即寫頌云似酒皆空問甚禪宗今日珍重明月清風端坐合掌念佛叫一聲佛來即化去了

今日道場同業大眾如上所說造惡行兇冤業病苦亦得往生勸罪惡人當自念云我平生罪惡既多一旦瞑目之後將如之何須急懺悔迴心念阿彌陀佛發大願云願我見佛得道之後盡度從生以來所害眾生皆生淨土相與志心



等一痛切五體投地歸依世間大慈悲父

南無教主釋迦牟尼佛 南無西方阿彌陀佛

南無當來彌勒佛 南無花日佛

南無軍力佛 南無花光佛 南無仁愛佛

南無大威德佛 南無梵王佛 南無量明佛

南無龍德佛 南無堅步佛 南無不虛見佛

南無精進德佛 南無善守佛 南無歡喜佛

南無不退佛 南無師子相佛 南無勝知佛

南無法氏佛 南無喜王佛 南無妙御佛

南無變作佛 南無德臂佛 南無香象佛



南無觀視佛

南無雲音佛

南無善思佛

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三寶無量

賢聖一拜

今日道場同業大衆如上往生傳中所說人等  
已離穢土俱趣淨方孕七寶池捨胞胎苦不歷  
三祇便成佛道今欲速超生死得涅槃常樂無  
出往生一門矣



禮念彌陀道場懺法卷第四

獐音隣 咀音貝 揖音切 入音切 顓音蟻 穎音余 頊音切 俟音林 史音切 施音切 牀音切 上音切

設也音切 捐音緣 挹音邑 煬音搯 榻音音 綽音切 昌音切 約音切 探音取 貪音切 寤音切 悟音切

踵音切 隴音切 昂音切 剛音切 援音切 園音切 姑音切 卒音切 律音切 子音切 郁音切 於音切 六音切 鬚音切 濡音切

儒音切 替音切 剝音切 怡音切 支音切 嬉音切 許音切 其音切 榮音切 螢音切 噫音切 於音切 其音切 葦音切 薰音切 確音切 苦音切

切音切 翦音切 章音切 彪音切 悲音切 幽音切 蜊音切 利音切 巧音切 烏音切 埠音切 旱音切 翌音切 於音切 計音切 計音切 赴音切

件音五 斤音尺 萎音切 於音切 為音切 悴音切 秦音切 醉音切 殞音切 于音切 敏音切 玕音切 孟音切 恙音切 樣音切 衣音切

掃音切 著音切 去音切 矍音切 居音切 縛音切 盼音切 廋音切 莧音切 蛻音切 稅音切 缶音切 方音切 負音切 括音切 沽音切 活音切 係音切

心音切 計音切 上音切 駐音切 注音切 戮音切 六音切 幘音切 責音切 瘤音切 溜音切 娶音切 趣音切 輟音切 劣音切



禮念彌陀道場懺法卷第五

極樂莊嚴茅五

今日道場同業大眾前已廣明往生傳錄次應  
隨喜極樂莊嚴勝妙境界宜應發起欣樂趣向  
之心求願往生且初生淨土已得超昇始見彌  
陀永無退轉速悟無生法忍頓捐有漏凡情喜  
樂難思壽命無量諸佛世界有無邊極樂莊嚴  
為第一相與志心等一痛切五體投地歸依世  
間大慈悲父

南無教主釋迦牟尼佛

南無世自在王佛



南無西方阿彌陀佛

南無四十四俱胝佛

南無北方現在一切諸佛

南無無量光嚴通達覺慧佛

南無無量天鼓震大妙音佛

南無大蘊佛

南無光網佛

南無娑羅帝王佛

如是等佛如苑伽沙住在北方廣長舌讚佛土  
功德攝受法門

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海衆菩薩



又復歸依如是十方盡虛空界一切三寶無量

賢聖一拜

今日道場同業大眾志心諦聽西方淨土微妙莊嚴如經所說次茅開陳

法藏誓願

修因莊嚴

■無量壽經云佛告阿難乃往過去無央數劫有佛名世自在王如來十号具足時有國王聞佛說法發無上道意棄國捐王行作沙門号曰法藏才高智勇與世超絕白佛言我發無上道意願說經法我當修行令我於世速成正覺拔



諸生死勤苦之本時世自在王佛爲說二百一  
十億諸佛刹土天人善惡國土麁妙法藏比丘  
聞已修行五劫於世自在王如來前超發四十  
八殊勝大願

四十八願

願力莊嚴

惡趣無名願

一者若我成佛國土有地

獄餓鬼畜生名者我終不取正覺

無墮惡道願

二者若我成佛國中衆生

有墮三惡道者我終不取正覺

同真金色願

三者若我成佛國中有情



若不皆同真金色者我終不取正覺

形貌無差願

■四者若我成佛國土有情

形貌差別有好醜者不取正覺

成就宿命願

■五者若我成佛國土有情

不得宿命不知億那由他百千劫事者不取正覺

生獲天眼願

■六者若我成佛國土有情

若無天眼不見億那由他百千諸佛國土不取正覺

生獲天耳願

■七者若我成佛國中有情



不獲天耳不聞億那由他百千諸佛說法者不取正覺

普知心行願

■八者若我成佛國土有情

無他心智不知億那由他百千佛國有情心行者不取正覺

神足超越願

■九者若我成佛國土有情

不獲神通於一念頃不能超過億佛刹土者不取正覺

淨無我想願

■十者若我成佛國中有情

起於少分我所想者不取正覺



決定正覺願

■十一者若我成佛國土有

情若不決定成等正覺者不取正覺

光明普照願

■十二者若我成佛國土有

情光明有限不照那由他百千億佛刹者  
不取正覺

壽量無窮願

■十三者若我成佛國土有

情不壽量無限乃至算數劫者不取正覺

聲聞無數願

■十四者若我成佛國土有

聞無有能知其數若有知者不取正覺

衆生長壽願

■十五者若我成佛國土有



情不壽量無限齊者不取正覺  
生

皆獲善名願

■十六者若我成佛由有情

情有不善名者不取正覺

諸佛稱讚願

■十七者若我成佛彼無量

刹中無數諸佛不共稱讚我國者不取正覺

十念往生願

■十八者若我成佛餘刹有

情聞我名已願生我國乃至十念若不生者不取正覺除五無間誹謗正法及毀聖



人

臨終現前願

■十九者若我成佛餘刹有

情發菩提心願生極樂臨終我當現其人  
前若不爾者不取正覺

回向皆生願

■二十者若我成佛餘刹有

情聞說我名善根回向願生我國若不爾  
者不取正覺

具足妙相願

■二十一者若我成佛國中

菩薩皆不具三十二相者不取正覺

咸階補處願

■二十二者若我成佛國中



菩薩咸悉位階一生補處行菩薩道若不  
爾者不取正覺

晨供他方願

■二十三者若我成佛國中

菩薩晨朝供養他方無數諸佛食前還至  
本國若不爾者不取正覺

所須滿足願

■二十四者若我成佛國中

菩薩所須種種供具於諸佛所植諸善根  
不圓滿者不取正覺

善入本智願

■二十五者若我成佛國中

菩薩不善順入一切智者不取正覺



那羅延力願

■二十六者若我成佛國中

菩薩若無那羅延堅固力者不取正覺

莊嚴無量願

■二十七者若我成佛國中

諸莊嚴具若有能知及總宣說者不取正

覺

寶樹悉知願

■二十八者若我成佛國中

無量衆色寶樹諸菩薩衆不了知者不取

正覺

獲勝辯才願

■二十九者若我成佛國土

衆生不獲得勝辯才者不取正覺



大辯無邊願

三十者若我成佛國中菩

薩若不成就無邊辯才者不取正覺

國淨普照願

三十一者若我成佛國土

光淨普照佛刹如明鏡中現其面像若不

爾者不取正覺

無量勝音願

三十二者若我成佛國界

之內有無量音殊勝超世若不爾者不取

正覺

蒙光安樂願

三十三者若我成佛十方

衆生蒙我光所照燭者身心安樂若不爾



者不取正覺

成就總持願

三十四者若我成佛十方

菩薩聞我名者若不得陀羅尼者不取正

覺

永離女身願

三十五者若我成佛諸佛

土中若有女人聞我名已得清淨信發善

提心來生不捨女人身者不取正覺

聞名至果願

三十六者若我成佛諸佛

土中菩薩聞我名已若不修行至菩提

不取正覺



天人敬禮願

三十七者若我成佛十方

菩薩聞我名已發清淨心一切天人不敢  
禮者不取正覺

須衣隨念願

三十八者若我成佛國中

衆生所須衣服應念即至若不甯者不取  
正覺

纔生心淨願

三十九者若我成佛諸衆

生類纔生我國若不皆獲心淨安樂如羅  
漢者不取正覺

樹現佛刹願

四十者若我成佛國中



生欲見諸佛淨國於寶樹間悉皆出現若不甬者不取正覺

無諸根缺願

■四十一者若我成佛餘刹

衆生聞我名已諸根有缺德用非廣者不取正覺

現證等持願

■四十二者若我成佛餘刹

菩薩聞我名已若不現證三摩地者不取正覺

聞生豪貴願

■四十三者若我成佛餘刹

菩薩聞我名已壽終不生豪貴家者不取



正覺

具足善根願

四十四者若我成佛餘剎

菩薩聞我名已若不修行具善根者不取

正覺

供佛堅固願

四十五者若我成佛餘剎

菩薩聞我名已供養諸佛乃至菩提有退

轉者不取正覺

欲聞自聞願

四十六者若我成佛國中

菩薩所欲聞法自然得聞若不爾者不取

正覺



菩提無退願

■四十七者若我成佛餘刹

菩薩聞我名已於菩提心有退轉者不取

正覺

現獲忍地願

■四十八者若我成佛餘刹

菩薩聞我名已不獲忍地於諸佛法現證

不退轉者不取正覺

■佛告阿難往昔法藏比丘者今西方極樂世

界無量壽佛是國土嚴好壽命無量眷屬不可

思議一切皆是因中所發大願之所成就

今日道場同業大眾如經所說四十八願修因



莊嚴相與志心五體投地歸依世間大慈悲父  
南無教主釋迦牟尼佛 南無西方阿彌陀佛  
南無當來彌勒佛 南無善喜佛  
南無離垢佛 南無月相佛 南無大名佛  
南無珠鬘佛 南無威猛佛 南無師子步佛  
南無德樹佛 南無觀釋佛 南無慧聚佛  
南無安住佛 南無有意佛 南無鵝伽陀佛  
南無無量壽佛 南無妙色佛 南無多智佛  
南無光明佛 南無堅戒佛 南無吉祥佛  
南無寶相佛 南無蓮花佛 南無那羅延佛



南無安樂佛 南無智積佛 南無德敬佛

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三寶無量

賢聖一拜

弥陀名號

壽光莊嚴

■ 弥陀經云佛告長老舍利弗從是西方過十  
萬億佛土有世界名曰極樂其土有佛号阿弥  
陀今現在說法舍利弗彼土何故名爲極樂其



國衆生無有衆苦但受諸樂故名極樂舍利弗  
彼佛何故号阿弥陀彼佛光明無量照十方國  
無所障礙是故号为阿弥陀彼佛壽命及其人  
民無量無邊阿僧祇劫故名阿弥陀阿弥陀佛  
成佛已來於今十劫彼佛有無量聲聞弟子皆  
阿羅漢非是算數之所能知諸菩薩衆亦復如  
是彼佛國土成就如是功德莊嚴出豈字号

### 三大士觀

### 寶像莊嚴

■觀經云想彼佛者先當想像閉目開目見一  
寶像如閻浮檀金色坐彼花上見像坐已心眼



得開了了分明見極樂國七寶莊嚴寶地寶池  
寶樹行列諸天寶幢彌覆其上衆寶羅網滿虛  
空中見如此事極令明了如觀掌中見此事已  
復當更作一大蓮花在佛左邊如前蓮花等無  
有異復作一大蓮花在佛右邊想觀世音菩薩  
像坐左花座亦作金色如前無異想一大勢至  
菩薩坐右花座此想成時佛菩薩像皆放光明  
其光金色照諸寶樹一一樹下亦有三蓮花諸  
蓮花上各一佛二菩薩像遍滿彼國此想成時  
行者當聞水流光明及諸寶樹鳬鴈鴛鴦皆說



妙法出定入定恒聞妙法行者所聞出定之時  
憶持不捨與修多羅合若不合者名爲麁想見  
極樂世界是爲像想

今日道場同業大衆如上所說弥陀名號寶像  
莊嚴相與志心五體投地歸依世間大慈悲父

南無教主釋迦牟尼佛 南無西方阿弥陀佛

南無當來弥勒佛 南無梵德佛

南無寶積佛 南無華天佛 南無善思議佛

南無法自在佛 南無名聞意佛

南無樂說聚佛 南無金剛相佛



南無求利益佛

南無遊戲神通佛

南無離闇佛

南無名天佛

南無彌樓相佛

南無衆明佛

南無寶藏佛

南無極高行佛

南無提沙佛

南無珠角佛

南無德讚佛

南無日月明佛

南無星宿佛

南無日明佛

南無師子相佛

南無遠藍王佛

南無福藏佛

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三寶無量



賢聖一拜

弥陀國土

極樂莊嚴

今日大衆重復志誠一心諦聽大阿弥陀經云  
阿弥陀佛作佛以來凡十小劫所居國土名須  
摩提正在西方去是閻浮提地界千億萬須弥  
山佛國其國地皆自然七寶一者白銀寶二者  
黃金寶三者水晶寶四者瑠璃寶五者珊瑚寶  
六者琥珀寶七者磲磔寶爲地曠蕩甚大無極  
各自焜煌參明極自軟好甚殊無比諸八方上  
下衆寶中精自然合會化生耳其實皆第六天



上之寶也其國無大小海水江河山林溪谷無有幽冥之處亦無春夏秋冬亦無大寒大熱常和調中適甚快善無比皆有自然萬種之物百味飯食意欲有所得自然在前所不用者即自然化去即皆隨意國中悉諸菩薩羅漢無有婦女女人往生即化成男子皆面目端正淨潔絕好悉同一色無有偏醜惡者也皆才猛黠慧衣自然之衣心中所念道德其欲語言皆豫相知意所念言常說正事所語輒說經道終不說他餘之惡語其語言音如三百鍾聲皆相敬愛無



相嫉憎如兄如弟皆心淨潔無所貪慕自知前世所從來生億萬劫時宿命善惡存亡現在却知無極佛言八方上下無央數佛國諸天人民及蛸飛蠕動之類生阿弥陀佛國者皆於七寶水池蓮花中化生便自然長大亦無乳養之者皆食自然之飲食其身體亦非世間人之身體亦非天上人之身體皆積衆善之德悉受自然虛無之身無極之體其殊好無比佛言所居七寶舍宅有在虛空中者有在地者有欲令舍宅最高者舍宅即高中有欲令最大在虛空中皆



自然隨意中有殊不能令舍宅隨意者皆是前世求道時不慈心精進耳佛言諸菩薩羅漢悉皆洞視徹聽見知八方上下去來現在之事復知無數天上天下人民及蜎飛蠕動之類心意所念善惡口所欲言皆知當何歲何劫得度脫得人道往生阿彌陀佛國知當作菩薩羅漢皆豫知之佛言八方上下無央數諸天人民蜎飛蠕動之類其生阿彌陀國當作佛者不可復勝數諸作羅漢得泥洹道者亦無央數不可復計阿彌陀佛爲諸菩薩羅漢說經時都悉大會講



堂上諸菩薩羅漢及諸天人民無央數都不可  
復計皆飛到佛所爲佛作禮却坐聽經其佛廣  
說道智大經皆悉聞知莫不歡喜踊躍心開解  
者即四方自然亂風起吹七寶樹作五音聲七  
寶樹花覆蓋其國皆在虛空中下其花之香遍  
國中皆散佛及菩薩羅漢上花墮地皆厚四寸  
小萎即亂風吹萎花自然去如是四反佛言我  
第二弟子摩訶目乾連於諸佛國菩薩阿羅漢  
中最爲無比飛行進止智慧勇猛洞視徹聽知  
八方上下去來現在之事百千億萬倍共合爲



一智慧當令在阿彌陀佛國中羅漢遶其德尚  
復不及百千億萬倍佛言第一四王天第二忉  
利天上至二十八天上諸天人皆持天上萬種  
自然之物百種雜色華香繒絲劫波育氎衣萬  
種伎樂轉倍好相勝各持來下爲阿彌陀佛作  
禮供佛及菩薩阿羅漢諸天人皆復大作伎樂  
當是之時快樂不可言諸天更相開避後來者  
轉復供養如前乃至其作菩薩者皆欲令悉作  
佛作佛已轉復教授八方上下諸天人民及餽  
飛螻動之類皆復欲令作佛作佛已復教授諸



無央數天人民蜉蝣動之類皆令得泥洹道  
去諸可教授弟子者展轉復相教授轉相度脫  
至令得四果辟支佛道轉相度脫皆得泥洹之  
道不可復計劫終無般泥洹時佛言我說阿彌  
陀佛功德國土快善晝夜一劫尚復未竟我但  
爲汝曹小說之耳

今日道場同業大衆如大經說弥陀國土極樂  
莊嚴相與志心五體投地歸依世間大慈悲父  
南無教主釋迦牟尼佛 南無西方阿彌陀佛  
南無當來彌勒佛 南無見有邊佛



南無電明佛	南無金山佛	南無師子德佛
南無勝相佛	南無明讚佛	南無堅精進佛
南無具足讚佛	南無離畏佛	南無應天佛
南無大燈佛	南無世明佛	南無妙香佛
南無持上功德佛	南無離暗佛	南無寶讚佛
南無師子顏佛	南無滅過佛	南無持甘露佛
南無人月佛	南無喜見佛	南無嚴莊佛
南無珠明佛	南無山頂佛	南無名相佛
南無法稱佛		
南無文殊師利菩薩	南無普賢菩薩	



南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三寶無量

賢聖一拜

寶河清淨

德水莊嚴

■大寶積經云佛告阿難彼極樂國無諸山海而有諸河八功德水濬流恒激出微妙音譬若諸天百千伎樂安樂世界其聲音聞有諸名花汭流而下和風微動出種種香居兩岸邊多栴檀樹脩條密葉交覆於河結實開花芳暉可玩



群生遊樂隨意往來或有涉河濯流嬉戲感諸  
天水善順物宜深淺寒溫曲從人好阿難大河  
之下地布金沙有諸天香世無能喻隨風散馥  
雜水流芬彼國人衆或時遊覽同萃河濱激流  
之響雖獲天耳終竟不聞或有願聞即隨領悟  
百千萬種佛法僧聲所有衆生或已生或現生  
或當生皆得諸妙色身形貌端正神通自在福  
力具足受用種種宮殿園林衣服飲食香花瓔  
珞隨意所須悉皆如意如是飲食即同食已色  
力增長而無便穢



寶殿如意

樓閣莊嚴

又經云若諸有情所須宮殿樓閣隨所樂欲高下長短廣狹方圓及諸牀座妙衣敷上以種種寶而莊飾之於諸衆生前自然出現人皆自謂各處其宮

晝夜長遠

時分莊嚴

校量佛刹功德經云不可思議光王菩薩白衆言汝諸佛子今當諦聽此娑婆世界滿一大劫校量時分是彼西方極樂世界無量壽佛刹一晝夜



今日道場同業大眾如經所說寶河清淨晝夜  
長遠無量莊嚴相與志心五體投地歸依世間  
大慈悲父

南無教主釋迦牟尼佛 南無西方阿彌陀佛

南無當來彌勒 佛 南無定義 佛

南無施願佛 南無寶眾佛 南無眾王 佛

南無遊步佛 南無安隱佛 南無法差別佛

南無上尊佛 南無極高德佛 南無上師子音佛

南無樂戲佛 南無龍明佛 南無華山佛

南無龍喜佛 南無香自在佛 南無大名佛



南無天力佛

南無德鬚佛

南無龍手佛

南無善行意佛

南無因莊嚴佛

南無智勝佛

南無量月佛

南無寶語佛

南無日明佛

南無文殊師利菩薩

南無普賢菩薩

南無觀世音菩薩

南無大勢至菩薩

南無清淨大海衆菩薩

又復歸依如是十方盡虛空界一切三寶無量

賢聖一拜

二十四樂

淨土莊嚴

■安國鈔云所言極樂者有二十四樂一欄楸



遮防樂二寶網羅空樂三樹陰通衢樂四七寶  
浴池樂五八水澄漪樂六下見金沙樂七階際  
光明樂八樓臺陵空樂九四蓮花香樂十黃金  
爲地樂十一八音常奏樂十二晝夜雨花樂十  
三清晨策勵樂十四嚴持妙花樂十五供養他  
方樂十六經行本國樂十七衆禽和鳴樂十八  
六時聞法樂十九存念三寶樂二十無三惡道  
樂二十一有佛變化樂二十二樹搖羅網樂二  
十三千國同聲樂二十四聲聞發心樂

三十種益

功德莊嚴



群疑論云西方淨土有三十種益一受用清  
淨佛土益二得大法樂益三親近佛壽益四遊  
歷十方供佛益五遊諸佛所聞法授記益六福  
慧資糧疾得圓滿益七速證無上正等菩提益  
八諸天人等同集一會益九常無退轉益十無  
量行願念念增進益十一鸚鵡舍利宣揚法音  
益十二清風動樹如衆樂益十三摩尼水漩宣  
說苦空益十四諸樂音聲奏衆妙音益十五四  
十八願永絕三塗益十六真金色身益十七形  
無醜陋益十八具足五通益十九常住定聚益



二十無諸不善益二十一壽命長遠益二十二  
衣食自然益二十三唯受衆樂益二十四三十  
二相益二十五無實女人益二十六無有小乘  
益二十七離於八難益二十八得三法忍益二  
十九身有常光益三十得那羅延身益如上略  
述法利無邊聖境非虛真談匪謬

今日道場同業大衆如上所說一切莊嚴相與  
志心五體投地歸依世間大慈悲父

南無教主釋迦牟尼佛 南無西方阿彌陀佛

南無當來彌勒佛 南無定意佛



南無無量形佛

南無照明佛

南無寶相佛

南無斷疑佛

南無善明佛

南無不虛步佛

南無覺悟佛

南無華相佛

南無山王佛

南無大威德佛

南無遍見佛

南無無量名佛

南無寶天佛

南無住義佛

南無滿意佛

南無上讚佛

南無無憂佛

南無無垢佛

南無梵天佛

南無華明佛

南無身差別佛

南無法明佛

南無盡見佛

南無德淨佛

南無文殊師利菩薩

南無普賢菩薩

南無觀世音菩薩

南無大執力至菩薩



南無清淨大海衆菩薩

又復歸依如是十方盡虛空界一切三寶無量

賢聖一拜

今日道場同業大衆如經所說極樂莊嚴不可  
思議勝妙境界十方淨土諸天王宮無能比者  
是故我等與一切衆生願往彼國同得受用一  
切莊嚴無盡快樂永得清淨長饒四趣面奉彌  
陀親承授記六度四等無不備行具四辯才得  
佛十力相好嚴身神通無礙入金剛心成等正  
覺

見



禮念彌陀道場懺法卷第五

鳧

扶音

焜

焜音

煌

皇音

黯

胡音

衣

衣音

自

去音

繒

疾音

陵

疊音

疊

疊音

疊

濬

濬音

訟

訟音

萃

萃音

漪

漪音

衣

衣音









新嘉坡 大馬路  
大馬路 大馬路



